



華陽國志卷第九

李特雄壽勢志

晉常璩著
明吳琯校

李特字玄休畧陽臨渭人也祖世本巴西宕渠賈民
種黨勁勇俗好鬼巫漢末張魯居漢中以鬼道教百
姓賈人敬信值天下大亂自巴西之宕渠移入漢中
魏武定漢中曾祖父虎與杜朴胡約楊車李黑等移
于畧陽北土復號曰巴人特父慕為東羌獵將特兄
弟五人長兄輔字玄政次特特弟庠字玄序庠弟流

字玄通流弟驥字玄龍皆銳驍有武幹特長于蕩字
 仲平好學有容觀少子雄字仲儁初特妻羅氏夢雙
 虹自門昇天一虹中斷羅曰吾二兒若有先亡在者
 必大貴雄少時辛冉相當貴有劉化者道術士也言
 關隴民皆當南移李氏子中惟仲儁天姿奇異終為
 人主鄉里人多善之與叔父庠並以烈氣聞人多歸
 之既克成都眾皆饑餓驥乃為民入郫王城食穀芋
 雄遣信奉迎范賢欲推戴之賢不許更勸雄自立永
 興元年冬十月楊驥楊珪共稱王雄遂稱成都
 王追尊曾祖庸曰巴郡桓公西王父特景王

母曰太后追謚世父輔齊烈王仲父庠梁武王仲父
 流秦文王兄蕩廣漢壯文公以叔父驥為太傅庶兄
 始為太保外兄李國為太宰國弟離為太尉從弟雲
 為司徒璜為司空閻式為尚書令驥為僕射發為侍
 中珪為尚書洪為益州刺史徐輿鎮南王達軍師具
 置百官下赦建元太武迎范賢為丞相從弟置流子
 也以不陪列誅之賢既至尊為天地太師封西山侯
 復其部曲軍征不預租稅皆入賢家賢名長生一名
 延久又名九重一曰支字元涪陵丹興人也光熙元
 年雄稱皇帝改元晏平永嘉三年羅美訇琦等殺李

離於梓潼時閻式去雄依離并見殺驥攻不克時李雲李璜皆戰死明年文碩殺李國以巴西梓潼爲晉平寇將軍李鳳在晉壽梁州先已爲雄所破不守而譙登在涪平西參軍向奮屯漢安之宜福張羅屯平無後漢書逼雄雄將張寶弟全在訇琦中雄遣寶反爲奸許以代離寶素凶勇先殺人而後奔梓潼密結心腹會羅尚遣使慰勞琦等出送其使寶從後閉城門琦等奔巴西雄得梓潼拜寶爲太尉雄自攻奮奮走遣驥攻登登初將驥子壽欲以誘驥被攻急救援不至還驥壽五年春驥獲登遣李始督李鳳

攻巴西殺文碩是歲雄姨弟任小受張羅募手刃雄頭雄幾死改元玉衡是後扶風鄧芝楊虎等各率流民前後數千家入蜀以鳳爲征北梁州任回鎮南南夷寧州李恭征東南蠻荊州皆大將軍校尉刺史雄驥勤卹百姓於內鳳回恭招流民於外稱有功氏符成隗文旣降復叛手傷雄母及其來也咸釋其罪厚加待納皆以爲將天水陳安舉隴右來降武都氐王楊茂搜奉貢稱臣杜弢自湘州使使求援晉涼州刺史張駿遣信交好漢嘉夷王冲遣子質頃之朱提審炤率民歸降建寧蠻量蒙嶮委誠其餘附者日月而

至雄乃虛已受人寬和政後遠至邇安年豐穀登乃興文教立學官其賦民男丁一歲穀三斛女丁一斛五斗疾病半之戶調絹不過數丈綿不過數兩事少役稀民多富實至乃閭門不閉路不拾遺獄無滯囚刑不濫及但爲國威儀無則官無秩祿職署委積班序無別君子小人服章不殊貸期公行懲勸不明行軍無號令用兵無部伍其戰則不相讓敗不相救攻城破邑動以虜獲爲先其爲將者稱李鳳在北數有戰降之功時蕩子維屯平涼其功大興元年鳳以巴西叛驤討之久任梓潼不克進雄自至涪驤遂斬

鳳以壽代鳳以知州征事二年驤伐越雋又分伐朱提二三年獲太守西夷校尉李釗夏進伐寧州大敗於螳螂還初氐王楊茂搜子難敵堅頭爲劉曜所破奔晉壽晉壽守將李稚蕩第二子也受其賂遺不送成都曜旣引還稚遣難敵兄弟還武都遂即叛稚稚悔失計連白雄求伐氐雄許之羣臣多諫雄不從遣稚兄瑒以侍中中領軍統稚攻難敵由白水道壽遣田稚弟珩由陰平入二道討氐難敵等先拒壽珩珩壽不進而瑒稚徑至下辨以深入無繼大爲氐所破稚瑒皆死於者千餘人雄深自咎責以謝百姓瑒蕩

之元子有名望志尚雄欲傳以後嗣甚痛惜之雄妻
任無子養瑯弟班爲子雄自有庶子十五人羣臣上
立嗣雄曰孫仲謀割有江東伯符基兆子止侯爵國
志恥之宣公舍子立弟君子以爲知人吾將彌縫國
志之恥以繼宣公之美驥與司徒王達諫以爲不可
雄不從永昌元年冬立班爲太子驥泣曰亂始於是
矣泰寧元年越雋斯叟反交困任回及太守李謙遣
其征南費黑赦之咸和元年夏斯叟破二年謙移郡
民於蜀三年冬驥歿追贈相國謚曰漢獻王壽以喪
還拜珩征北梁州代壽以班行撫軍將軍脩晉壽軍

屯五年拜壽都督中外諸軍大將軍中護軍西夷校
尉錄尚書摠統如驥冬壽率征南費黑征東任邵伐
巴東至建平監軍毋丘興退保宜都六年春壽還遣
任邵屯巴雄以子越爲車騎任廣漢秋壽伐陰平冬
城涪縣七年秋壽南征寧州以費黑爲司馬與邵攀
等爲前軍由南廣入又別遣任回子調由越雋冬十
月壽黑至朱提朱提太守董炳固城寧州刺史尹奉
遣建寧太守霍彪大姓爨深等助炳時壽已圍城欲
逆拒之黑曰料城中食少霍彪等雖至齎糧不多宜
令人入城共消其穀猶嫌其少何緣拒之彪等皆入

城城久不下壽欲急攻之黑諫曰南道儉俗好反亂
宜必待其詐勇已困但當日月制之全軍取勝以求
有余溷牢之物何足汲汲也壽必欲戰果不利乃悉
以軍事任黑八年春正月炳彪等出降威震十三郡
三月刺史尹奉舉州委質遷奉於蜀壽領寧州南夷
初平威禁甚肅後轉凌掠民秋建寧州民毛衍羅屯
等反殺太守邵攀牂牁太守謝恕舉郡爲晉壽破之
九年春分寧州置交州以霍彪爲寧州建寧囊深爲
交州刺史封壽建寧王張駿使參軍傅穎治中張淳
遺雄書勸去尊號稱藩於晉雄引見謂曰吾過爲士

大夫所推然本無心於帝王也貴州將令行河沙常
所希冀進思共爲晉室元功之臣退思共爲守藩之
將掃除氛埃以康帝宇而晉室陵遲德聲不振引領
東望有年月矣會獲來貺情在閭室有何已已穎淳
以爲然使聘相繼巴郡嘗告急云有東軍雄曰吾常
慮石勒跋扈侵逼瑯琊以爲耿耿不圖乃能舉軍使
人欣然雄之雅談多如此類三月壽還夏六月癸亥
雄疾病卒時年六十一僞謚曰武帝廟稱太宗凡自
立三十年冬十二月丙寅葬成都墓號安都陵也
班字世文蕩第四子也少見養於雄年十六立爲太

華陽國志 卷之六
子好學愛士每觀書傳謂其師友天水文夔隴西董融等曰吾見周景王太子晉魏太子丕吳太子孫登文章鑒識超然卓絕未嘗不有慙色何古人之難及乎進止周旋勤於咨問但性輕躁失在田獵甲子襲位珩來奔喪勸遣雄子越還江陽而欲令期代已知北事班以未葬不許遣珩還涪冬十月癸亥期越殺班於臨次并殺班仲兄領軍都弟珩奔晉期偽謚班曰戾太子壽追謚曰哀皇帝子幽顯爲期所殺班兄弟五人皆兵歿四人無後珩在晉歷巴郡襄陽宜都太守龍驤將軍永和三年從征西於山陽戰死也

其字世運雄第四子也母冉賤雄妻任養爲子少攻學問有容觀雄時令諸子各募合部曲多者纔得數百人而期獨得千餘人爲安東將軍雄亡越自江陽來赴喪兄弟怏怏旣以班非雉所生又慮珩不利已與兄越密謀圖班太史令韓豹上言宮室有陰謀兵氣戒在親戚班不悟遂因夜哭越殺班期自立以越爲相國與壽并錄尚書事進壽大都督徙封漢王使討珩於涪封越建寧王以仲兄霸爲中領軍鎮南弟保鎮西西夷校尉汶山太守從兄始征東代越皆大將軍珩走卽拜壽梁州知北事咸熙元年春正月立

妻閻氏爲后下赦改元玉恒秋以司隸景騫爲尚書
令征南費黑爲司隸班舅羅演爲僕射舅羅演與漢
王相天水上官澹謀襲期立班子幽謀泄殺澹并誅
班母羅瑤子礮稚妻咎二年忌從子載多才藝託他
事誅之而霸保皆暴病死於是大臣自疑骨肉不相
親而期志益廣忽慢公卿政刑失錯四年夏四月壽
自涪還襲期假以誅越騫爲言越請散財募士格戰
期謂壽不自薄不許旣譖越騫初廢期爲邛都縣公
五月乃殺期及誅李始等殺兄弟十餘人期死時年
二十四謚曰幽王五年徙其妻子於越雋勢又使人

就越雋誅其子

壽字武考有幹局愛尚學義志度少姝於諸子雄奇
之自代父爲將志在功名故東征南伐每有効事雄
疾病侍疾左右左右侍臣造雄顧命寄託於壽期之
殺班也李始初欲附壽圖共討期壽不敢始怒說期
取壽憚李珩在北欲藉壽討之故許壽旣受漢封北
伐珩告以去就利害假道故珩得由巴順水東下吳
壽雖代珩鎮涪歲終當入朝觀常自危嫌輒造漢中
守將張才急書告方外寇警咸康二年冬北入漢中
破走司馬勳壽見期越兄弟十餘人年方壯大而手

下有強兵懼不自全數聘命高士巴西龔壯壯雖不應恐見害不得已數見壽時岷山崩江水竭壽緣劉向之言而惡之每謀壯以自安之術壯之父及叔皆爲特所殺欲假手報讐未有其由因說立事何如舍小從大以危易安開國裂土長爲諸侯名高桓文勳流百代矣壽從之陰與長史畧陽羅恒巴西解思明共謀據成都爲晉稱藩會養弟攸從成都病還歿道中乃佯言越藥殺之又詐造妹婿任調書言期越當廢壽以惑羣下羣下信之乃誓文武許賞城中資財得數千人南攻成都子勢爲開門內應遂獲期越誅

其宗族十餘人兵入虜掠民家姦淫雄公主及李氏諸婦多所殘害數日廼定恒與思明及李奕王利等勸壽稱鎮西將軍益州牧成都王以壯爲長史告下又勸令送期於晉任調與司馬蔡興侍中李艷及張烈等勸壽自立壽亦生心遂背思明所陳之計稱漢皇帝尊父驥曰獻帝母咎氏曰太后下赦改元漢興以恒爲尚書令思明爲廣漢太守任調鎮北梁州知東羌校尉李奕鎮西西夷校尉更代諸郡及卿佐皆用宿人及已叅佐省交州以從子權爲鎮南南夷寧州於是成都諸李子弟無復秉兵馬形勢者雄時舊

臣及六郡人皆斥廢也秋七月李奕從兄乾與大臣合謀欲廢壽壽懼使子廣與大臣盟要爲兄弟進李闕爲征東荊州移鎮巴郡八月天連陰雨禾稼傷損百姓饑疫草莽臣翼壯上封事曰臣聞陰德必有陽報故于公理獄高門待封伏惟獻皇帝寬仁厚惠宥罪甚衆靈德洪洽設鍾澤下陛下天性忠篤愛遺建節志齊周霍誠貫神明而志緒遺理顛覆顧命管蔡旣興讒諛滋蔓大義滅親撥亂濟危上指星辰昭告天地歆血盟衆舉國稱藩天應人悅白魚登舟霆震助威烈風順義神誠允暢日月光明而論者未喻權

時定制淫雨汜濇垂向百日禾稼損傷加之饑疫百姓愁望或者天以監示陛下又前日之舉止以救禍陛下至心本無大圖而今久不變天下之人誰復分明知陛下本心者哉且玄官之讖難知而盟誓顧違一旦疆場有急內外騷動不可不深思長久之策永爲子孫之計也愚謂宜遵前盟誓結援吳會以親天子彼必崇重封國歷世雖降階一等永爲靈德宗廟相承福祉無窮君臣銘勳於上生民寧息於下通天下之高理弘信慎之美義垂拱南面歌詩興禮上與彭韋爭美下與齊晉抗德豈不休哉論者或言二州

人附晉必榮六郡人事之不便昔豫州入蜀荆楚人
貴公孫述時流民康濟及漢征蜀殘民大半鍾鄧之
役放兵大掠誰復別楚蜀者乎論者或不達安固之
基惜其名位在昔諸侯自有卿相司徒司空宋魯皆
然及漢藩王亦有丞相今義歸彼但當崇重豈當減
削昔劉氏郡守令長方任州郡者國亡主易故也今
日義舉主榮臣賴寧可同日而論也論者又謂臣當
爲法正陛下覆臣如天養臣如地恣臣所安至於名
榮漢晉不處臣復何爲當侔法正論者或言晉家必
責質任及徵兵伐胡何以應之寧晉不煩尺兵一國

來附威卷四海廣地萬里何任之責胡之在北亦此
之憂今平居有東北之虞縱令徵兵但行漢法猶差
二門耳臣託附深重忘疾病之穢實感殊遇冀以微
言少補明時常懼殞歿不寫愚心辜負恩澤謹進
恫伏願罪戮壽不悅然拘前言秘藏之九月僕射任
顏雄妻弟也謀反誅并殺雄子約等五年春二月晉
將伐巴郡獲李閎閎恭子也初受許自牛鞞以東土
斷與閎執政者以爲不可乃止復不益兵故覆沒閎
弟豔以是怨故與朝右有隙是時壽疾病恒思明等
復議奉晉計尋巴郡破壽以爲附晉晉當以兵威故

不能自斷遂輟計三月拜李奕鎮東代閔夏建寧太守孟彥率州人縛寧州刺史霍彪於晉舉建寧為晉遣右將軍李位都討之時權在越雋秋又遣尚書廣漢李擴為御史入南中攄祖毅晉故寧州刺史以向與南人有舊故遣之攄從允演自越雋上書勸壽歸正返本釋帝稱王壽怒殺之壽騎將軍王韜為參軍晉康帝建元元年壽卒勢立改元太和太史令韓皓上言熒惑守心乃宗廟不修之譴勢乃更命祀成始祖太宗皆謂之漢勢之弟大將軍廣以勢無子求為

壽騎將軍王韜為參軍

太弟勢不許馬當解思明固請許之勢疑與廣有謀收當思明斬之廣自殺思明被收歎曰國之不亡以我數人在也今其殆矣思明有智畧敢諫諍馬當素得人心及其死士民無不哀之冬李弈自晉壽舉兵反單騎突門門者射殺衆潰勢大赦境內改年嘉寧勢驕淫不卹國事中外離心蜀土無僚舉結切西始從山出自巴至犍為梓潼布滿山谷大為民患加以饑饉境內蕭條三年春二月桓温伐蜀軍至青衣勢大發兵遣胥堅等將之管子感切姓也自山陽趣合水諸將欲設伏江南以待晉兵胥堅不從引兵自江北駕

舉結切西

管子感切姓也

駑碕渡向健為

碕渠驕切曲岸曰碕

温自將步卒直指成都

堅至健為乃知與温異道還自沙頭津濟北至温已

軍於成都之十里陌堅眾自潰勢悉眾出戰于笮橋

昨

中書監王嘏散騎常侍常璩勸勢降勢乃夜開

東門走至葭萌使散騎常侍王幼送降文於温勢至

建康封歸義侯 李氏自起事至亡六世四十七年

正僭號四十二年蜀中亦有怪異期時有狗豕交木

冬榮勢時涪陵民樂氏婦頭上生角長三寸凡三截

之又有民馬氏婦妊身兒脇下生其母無恙兒亦長

育有馬生駒一頭兩身相着六耳一牡一牝又有天

雨血於江南數畝許李漢家舂米自臼中跳出遂斂

於箕中又跳出寫於簞中又跳出有猿居鳥巢至城

下地仍震又連生毛其天譴不能詳也

譔曰特流乘釁險害雄能推亡固存遭皇極不見遇

其時與期倡為禍階而壽勢終之詩所謂亂離瘼矣

奚其適歸者也長老傳譙周讖曰廣漢城北有大賊

曰流曰特攻難得歲在玄宮自相賊終如其記先識

預覩何異古人乎歷觀前世偽僭之徒縱毒虐劉未

有如茲每惟殷人丘墟之歎賈生過秦之論亡國破

家其監不遠矣

按常璩華陽國志目錄第九卷及序志皆云述李
特雄期壽勢志則先固有志也今諸本皆無之意
者傳寫脫漏因循不錄遂失之爾今本諸通鑑所
述參以載記所書續成勢志用補其闕以俟後之
博洽君子云又史載散騎常侍常璩實勸李勢降
桓温璩必作志者因續記此云

華陽國志卷第九

華陽國志卷第十上

先賢士女摠讚

舍和誕氣人倫濟生必有賢者為人經紀宣德達教博
化萬裕故太上立德其次立功其次立言品物煥炳異
倫攸叙也蓋梁爰育在前代則夏禹配天而赴祖配地
及至周世韓服將命夢子忠堅然頭者稽顙豈國史簡
闕亦將分以秦楚希預華同自漢興以來迄乎魏晉多
士克生髦俊蓋世愷元之疇感於帝思於是聖書交馳
於銖谷之南東帛爰爰於梁益之鄉或延龍飛紫閣允
陟璿璣亦有盤桓利居徑綸皓素其耽懷道術服膺六

藝輅車之招旗旌之命徽名聘德忠臣孝子烈士賢女
高勛足以根玄風貞節可以方蘋藻者奕世載美是以
方述作世志士莫不仰為軌以咨評憲洪猷而儀則擅
名八區為世所表矣故者舊之篇較美史漢而今志州
部區別未可揔而言之用敢撰納其善為之述讚因自
注辭觀其洪猷尋常經義略可以知其前言往行矣
蜀郡士女

嚴平怡伯誥然沉冥 嚴遵字君平成都人也雅性澹
泊學業加妙專精大易歟於老莊常卜筮於市假著龜
以教與人子卜教以孝與人弟卜教以弟與人臣卜教

以忠於世用者其上下皆然 嚴遵字君平成都人也雅性澹
不為校老莊著指歸為道書之宗楊雄少師之稱其德
杜陵李强為益州刺史謂雄曰兵兵得君平矣雄曰君
但可見不能屈也強以為不然至州修禮以交遊 与
之見強服其清高而不敢屈也歎曰楊子雲其知人也
年九十平雄稱之曰不慕夷即由矣不作為見不沿為
得久出而不改其操雖隨和無以加諸

仲元柳、祁家儀型 李弘字仲元成都人少讀五經
不為章句處陋巷淅厲金石之志威儀容止祁家師之
以德行為郡功曹一月而去子贄以見奪殺人太守曰

賢者之子必不殺人放之贅自以枉語家人弘遣命太
守怒讓弘、對曰請為殺人之賊明府私弘枉法君子
不誨而誅也石碣殺魯春秋讚之孔子稱父子相隱直
在其中弘實遺教太守無以詰也州守從事常以公正
諫爭為志楊子雲稱之曰李仲元為人也不柔其志不
男其身不夷不惠可右之聞見其狀者觀肅如也觀其
行者若如也聞其言者激必也非正不言非正不行非
正不聽吾史評之所異

子雲京遠熒乎和爾 楊雄字子雲成荆人也少貧好
道家無操石之儲千金之費而量如也好學不為章句

初慕司馬相女 帝封夢也呂為門下史薦持節上甘泉羽檄賦遷侍郎
給事黃門雄既升秘閣以為辭賦可尚則受祖升堂相
如入室武帝讀大人賦歎然有羨雲之志不足以混
諫乃輟其業以經莫大於易故則而作太玄德莫大於
論語故作法言史莫善於倉頡故作訓纂諫莫美於
箴故作州箴賦莫 於離騷故反屈原而廣之典莫正
於爾雅故作方言初與劉歆王莽董賢同官并至三公
雄歷三帝猶不易官年七十一卒自劉向父子桓譚等
係教服其玄源淵懿後世大儒張衡崔子玉宋仲子王

子雄皆為注辭吳郡陸公紀尤善於玄稱雄聖人雄子
神童烏七歲預雄玄文年九歲而卒

林生德孫莫洪而名 林闕字公孺臨印人也善古學

古者天子有轎車之使自漢興以來劉向之後但同其

官不詳其職惟同與蘇君平知之曰此使人考八方之

風雖通九州之異同主海內之音韻使人主居萬室知

天下風俗也 楊雄同而辨之同此作方言同德遊世莫

問也 臣鄉忠貞社稷是禋進為國程稽攷典刑受莫助之舟

須朝願 何式字君公郟人也初以對策甲科為郎歷

楊充州刺史司馬有氣節 太常廷尉

史大夫成帝初共三公拜大司空封長鄉侯為人忠厚

公正推賢進士在秩致西懸在濟尊西慶臨司隸致茂

陵何 並居公位進辛慶忌皆世名賢臨州郡雖與赫

赫之名及玄民思之才雖不及丞相薛宣翟方進而正

直過之哀帝即位以朱博趙玄為公侯用李元官見大

夫跪子却亟言訟之丞相王嘉亦以為愷帝復徵玄為

御史大夫後前將軍時大司馬新却侯王莽避帝外家

丁傅氏遜位亦以列侯見徵哀帝詔博舉太常莽從武
衆舉武以莽奸人之雄不許哀帝崩王太后太皇莽姑

也即日引莽入收大司馬董賢印授詔舉大司馬丞相
孔光逼王氏皆舉莽武與左將軍公孫祿謀曰莽五父
世朝權傾人主必危劉氏乃舉祿亦舉武太后不從
用莽為大司馬莽說有司劾奏皆免武就國後莽寢盛
遂為宰衡安漢公欲圖篡漢禪武與其叔紅陽侯王立
不從元始二年因呂寬吳章事檻車徵武自殺眾咸
寬之莽欲獻眾心溢武曰利侯子況嗣平帝崩莽因居
攝後僭王位

對文儒教變風為雅道洽化遷我實西魯 張寬字村
文成却人也蜀承秦後質文刻野太守文翁遣官詣博

士東受七經還以教授於是蜀學以於南魯已漢亦化
之景帝嘉之命天下郡國皆立文學由翁倡其教蜀為
之始也寬從武帝郊甘泉泰畤過橋見一女子裸浴川
中乳長七尺口知我者帝後七車過得寬車對曰天有
星主祠祀不齋潔則作女令先帝慮悟以為揚州刺史
世稱云七車張作春秋章句十五萬言

長卿相：文為世矩 司馬相如字長卿成都人也遊
京師善屬文著子虛賦而不自名武帝見而善之曰吾
獨不得與此人同時揚得意對曰臣邑不司馬相如所
作也臣見相如相如有上林賦帝悅以為郎又上大人

賦以汎諫製封禪書為漢初宗官至中郎授世之作辭賦者自揚雄之後咸則之

王闕覽黜蔚若華園 王褒字子園資中人也以高才久蘇侍宣帝初為王康作樂職中和頌宣帝時又上甘泉洞簫賦帝善之令宮人誦之為諫議大夫卒

子山翰藻遺藹有厚 楊雄字子山成都人也年十三已能作雷賦道屈原七諫章後坐太守禮造作孤憤詩

明帝時與班固賈逵並為校書郎則太史公書為十經萬言作生民詩又上行瑞詩十五章制封禪書著外傳

十二卷章句十五萬言皆傳於世者

少選猛毅垂重三科 陳立字少選臨邛人也成帝時

將柯有汎將軍王鳳薦立為太守克平禍亂後守巴郡

秩中二千石治有尤異又徙天太守為天下最天子

賜黃金四十斤入為左衛護軍

世公賦政祥瑞奏同 王阜字世公成都人也太守第

五倫察舉孝廉為重泉令有鸞鳥集於文學十餘日遷

益州太守神馬出淖池河甘露降白鳥見民懷之如父

母

特欽文父處發幼童德澹會稽道崇辟雍 張霸字伯

饒謚曰文父成都人也年數歲以知禮義諸生孫林劉

國段著等宗之移家其字下啓母就師學母憐其稚對
曰饒能故字伯饒也為會稽太守撥亂興治立文學、
徒以千數凡教大行道路但聞誦聲百姓誦歌之致達
名士碩奉公孫弘舉海胡毋觀乃虞先王演李根皆至
大位在郡十年以有道徵拜議郎遷侍中遂授霸五更
尊禮於文學年老平吳河高

少府婁妣作御作師 趙興字仲洽成都人也太尉戒
孫興頴以李膺等並難入俊三為侍中自樂祿俸施貧
方授國師未拜病卒 何英字叔俊邠人楊由字哀侯
何楊研神貫粵入微

成郡人二子忠字仲洽 吳志卷十五卷孫茂字
景由亦係學初微上日食盜賊起有教為謁者京師早
謹雨即洪暹隸為屬國著世務論三十篇平楊由為太
守廉范文學范稱能治由言當有賊發頃之廣柔羌反
寇殺長姚超邠人冷豐齊酒候之植未內由為知其多
少又言人當致菓其邑赤黃果有送甘橘者大將軍竇
憲從太守索雲氣因由諫莫與尋憲受誅其明如此著
書十篇而平

司農明允國憲是維 任昉字文始成都人也初為華
令治奸賊七十餘人遷梁相尚書令法身檢下大將軍

梁冀憚之出為魏郡徙平原歲出租稅百萬冀誅復入
為尚書令司隸校尉遷大司農平弟愷徐州刺史亦有
治名昉父循字伯度為長沙太守得其父時為五官事
在廷通也

翁君美秀牧後愷機 何霸字翁君司空武先也為郡
戶曹刺史王尊將之官移諸郡不得遣迎太守唯霸白
宜往太守遣霸首大怒霸對曰太守遣霸非備敬也以
去京師久遲知朝廷起居耳尊震下車持節對之因奇
霸容止辟為別駕舉秀才為為國中郎弟頰以太
守兄弟五人皆有名

伯璠推賢亦去之也 魏霸字伯璠人也初結九
友共學弟九子及為州郡右職務在進賢拔致末次方
張射遼王仲曾舉智孫等皆至牧守州望為諶日澤黃

全一旬不如為伯璠所讓舉茂士為陽夏太守

文侯顯印極位台衡 文侯趙壹字志伯少府典祖也

父定以遊俠稱戒順帝之世歷司徒太尉登特進屢居

公輔免憂患于無妄之世告歸于蜀薨

太尉桓頌志振頌綱 趙謙字彥信戒孫也歷位卿尹

初平元年為太尉時董卓改歛遷天子長安謙占司

空苟爽固諫不聽以為車騎將軍奉大駕西幸封洛陽

物四千万降夷三十 種舉正奸濁長夷九十人黃綬

六十人南中清平會被傷平舉州中贈列畫東觀

伯春孟元匡正時君 張元字伯春李戡字孟元江原

人也元為治中從事時刺史韓康每見從事布席地坐

已自安高亦上充入閭不肯進刺史恬乃更禮從事刺

史辟公孫特提為李威大姓橋稚充曹 闕事節時有水

災倫受刺史指以漢中斗平不立素固統固守之後刺

史至倫不平於郡短勅倫不信水災能對以詔書上災

異不得由州倫還司徒薛純純見前帝切說文微也 楊

羅為令遺愛在民 楊暉字仲桓成都人也羅衡字

仲明縣人也俱開士位和山班為不辜羨陵令治

化決洽徃西城閬中令韓時名宰衡為万年令既不捨

遺人家牛馬皆繫道邊曰屬羅公三府宰辟拜廣漢長

二縣皆為立祠 小伯溫恭預園息孫 陳湛字小伯成却人也歷數縣

令民皆懷之州郡治中從事廣漢太守遣于詣州脩歡

文使君欲納湛諫不可失遂羊義使君從之後有言州

郡私交者考之每有乃明也 孟由至孝遐葉希風 禽堅字孟由成却人也父信為

縣使越雋為夷所得傳賣歷十一種去時堅方姪六月

...

生母更嫁堅壯乃知父湮沒鬻身傭賃求碧珠以弔父
一至漢中三出徼外周旋万里徑六年四月突瘴毒席
粮乃至夷中得父相見悲感夷徼恻之即將父歸迎母
致秦州郡嘉其孝召功曹辟從事刊上東觀太守王商
追贈孝廉令李苾為立碑銘迄今刊之
仲呈勉所 仲呈成却人也少受學於嚴季后季后為
汶江尉書呼仲呈許十月往會夷反欲道仲呈期于往
徑渡六七發死數年平得至汶江為季后陳策俱得免
難遠近欽之
村本慕仁 任束字村本新繁人也与董奉德俱學京

師奉德高死推席車送其屍七年高帝封赴之道死
遺令初子載喪至師門叙平生之志也

伯禽澄將 朱普字伯禽廣却人也為郡功曹太守與
刺史王翬有隙杜見劾普詣新却獄掠笞連月肌肉腐
臭惡同死人澄太守急事勅其子曰我死載喪詣闕使
天子知我心事得清理普以烈聞

文寺代君 李整字文寺嚴道人也為長章表主簿旋
牛夷叛入攻縣表倉平走鋒刃交至整傾身捍表謂虜
曰乞殺我活我君虜乃殺之表得免太守嘉之圖象府

度

在三義教終始可稱人生於三事若一君 父師也言

人靡不有初鮮克有終魯赫可謂能終始也

炎光中微巨迷僭亂 炎光火也漢以火德王自其祖

自平帝十二世國嗣三絕平帝早尚安漢公王莽字巨

君遂篡天子位稱新室皇帝而茂陵公孫暹字子陽為

莽葉江平正遂僭稱於蜀

章王刎首 章明字公福新繁人也王皓字子龍江原

人也明為太中大夫莽篡位歎曰不以身事二主遂

自殺皓為美陽令去莽歸蜀公孫僭孫使、聘之皓乃

自刎以頭付使者述慙怒誅其妻子

侯剛哭漢 侯剛字 孟新人也為 孟光莽篡位

枉負木斗守閉靜哭莽使人問之紫曰漢祚無窮吾寧

死之不忍事非主也莽遂殺之

公卿絕脰亦蹈首貫 王嘉字公卿江原人也為郎去

莽還留蜀公孫述先用其妻子使人徵之嘉聞王皓无

歎曰吾後之歎亦自殺遂慙貫其妻子

羅生美至思濟艱難述方遂非殘彼軀幹 羅衍字伯

紀成都人也為述郎說述尚書解文鄉鄭文伯使陳述

降漢為子孫福解鄭從之述怒問二子於薄室六年二

子守志不回遂出无衍平察孝廉徵博士

劉至割據濟我英俊鴻臚淵道與道推運 何宗字亮
英郾縣人也道經緯天官推步罔識知劉備應漢九世
之運潛立先主為大鴻臚方授公輔會平
君肅矯 穎倬群 何祗字君肅宗族人也初隸為
楊洪為太守李嚴功曹去郡數年以為意漢洪猶在官
是以西土咸服諸葛亮之能提授者共也祗後隸為太
守平

太常陸密遠達和 杜 字仲珍咸陽人也脚事任
安粗道經緯術藝為太常沈默慎密稱諸生之厚

休、衆是殊塗同臻金琴玉操蜀之琳琳 休、美也
衆言是此四十三人也易曰殊塗同歸百行齊致貴於
流光顯名揚名垂世此四十三人者雖立行不同俱以
垂美如金玉之麗為世名寶

迷蜀郡人士

敬司穰、暢始宣終 敬司馬氏女五更張伯饒妻也
霸前妻有三男一女敬司產一男極教五子恩愛若一
霸平英河南敬司與諸子還蜀疾病遺令告諸子曰舜

英蒼梧二妃不從汝父在巢吾自在巢亦各其志勿違
吾勅也遂葬蜀子光起稟母教為聘士也

卅紀婉婉十媛仰風 叔紀霸女孫也適廣漢王尊至
有賢訓事姑以禮生子簡海內名士廣漢周幹古朴起
颺漢中祀龜為作頌口少則為家之孝女長則為家之
賢婦老則為子之慈親終溫且惠秉心塞淵宜謚曰化
明忠母

公乘氏張兩髦義業 公乘會妻廣漢張氏女也夫早
亡無子姑及兄弟欲改嫁之張誓不許而言之不止乃
斷髮割耳養會子事姑終身

助陳撫孫黃道分亮 助陳臨江陳氏女媵為楊鳳桂
妻也鳳珪亡養遺生子守節兄弟必欲改嫁乃引刀割
咽宗族駭之幾死遂全其義

二帝覽、類構再隆 元帝雍帝江原人也元帝廣都
令帝長女適廣漢便敬甯早亡元帝無子養甯族子父
母欲嫁乃祝刀誓志而死靡帝仲山女適成都殷仲孫
家遭疫氣死亡十八惟靡帝在收養諸喪養遺生子立
業成家

紀帝哀、精感昭融 紀帝、侍帝洽女趙侯夫人也
父遇害長安其二兄皆先沒遺父門生瞿登張順迎喪

時寇賊蜂起晝夜悲哀順登得將喪無恙還時人皆以
化帶精滅所感

貞羅誓志 貞羅郟羅倩女景奇妻也奇早亡無子父

慙其辛壯以許同郡向詩貞羅白書誓父不還家父使

詩乃白州、告縣逼遣之羅乃訴州刺史為而許之

泣何忘生 泣何郟何氏女成都趙憲妻也憲早亡無

子父母歎改嫁何志情自出乃不食旬日而死郟縣為

立石表

昭儀殉身 昭儀新繁張氏女廣漢朱對賢妻也賢為

郡督郵達安十九年劉主圍劉璋於成都賢坐謀外降

璋以昭儀配兵將見逼昭儀自盡三歲立不哀歎

二姚見靈 廣柔長郟姚超二女姚姚鏡未許嫁隨父

在官值九種夷反熱超獲二女歎使 二女誓不辱

乃以衣連腰自沉水中死見夢告兄悲曰姊妹之喪當

以某日至既下慰寤哀惻如夢日思喪郡縣圖象府廷

峨、洲媛素園銘旌 洲善媛婉也言此十二女皆園

象列傳

迷蜀郡列女

右蜀郡列女讚第一 凡五十五人 四十三人女

華陽國志卷第十上

華陽國志卷第十上

廣漢士女

譚豐冲寔涿州是希廣帝詔豐庶熙時治 楊宣字君

緯什邡人也少受學於楚國王子張天文國緯於河內

鄒子侯師楊翁耕能樹烏言長于災異教授弟子以百

數成帝徵拜諫大夫帝無嗣宣上封事勸帝以定陶恭

王子為太子帝從之出宣為交州牧太子即位為哀帝

拜河南太守徵太倉令上言宜封周公孔子後帝從之

封周公孫相如為褒魯侯孔子後孔均為褒成侯又薦

遼東王繼琅邪徐吉太原郭越楚國驪勝等宜讚隆時

雍平帝時命特為漢學大夫與劉歆共校書居攝中
平川生河南李吉廣漢象趙翹等皆作大儒

長伯極選聲暢中畿折虎命祁綽有餘徽 祁純字長

伯鄭人也為益州西部都尉廢地金銀琥珀犀象翠羽

出作此官者皆富及十世純獨清廉甚老不犯夷漢歆

歆未聞三司及京師貴重多薦美之明帝嘉之乃改西

部為永昌郡以純為太守存官十年平列頌東觀

三老洪、實作父師 補純字仲通新鄭人也事華里

先生災為、我統曰漢九世王出圖書與御適應之建
武初天下水道內識者不得亦平中刺史張志舉道方

正司徒魯恭、補其恭共定平、上書法章的尺二卷

解說選侍郎光祿大夫以年老道深養於辟雍授几杖

為三老平內識二卷竟未撰

平仲洲道殆乎庶哉 王祐字平仲鄭人也少與雒高

士張浮齊名不應州郡辟命司隸校尉陳紀山名知人

稱祐天下高壬年四十二平弟繼志遺言撰壬子五篇

東觀郎李恂文章士也作誅方之類子列畫學官獲一作謹

文父明洞探賾索微 楊序字仲桓統仲子也道業倖

父三司及公車連徵辟拜侍中上言四方及荆揚交州

當兵起人民疫惶洛陽大和宮殿當災三府當免

近戚謀變皆驗效大將軍謀葉秉權自造

去授門徒三千人本初元年及達和中特授聘不行年
八十三平天子痛惜詔諡曰文父弟子維昭約節寧諱
竹寇懼文儀蜀郡何某初心候祈升伯邑郡周舒封布
及任董安扶等皆徵聘辟舉馳名當世

元章字伯輅光匡耀 段熲字元章魏郡人也明經術

妙占未來常告大汲津口曰某日當有劫生二人荷樵

問辭舍處者幸為告之後竟如其言又有人從冀州來

學積年自以精究醫術游去醫為簡作書封頭与之告

口有急發之至黃前車津吏過從者頭諸生發書簡中

有書曰到黃前車津吏過從者頭諸生發書簡中

醫還更精學醫事無隱不使人知門人皆謂夫子

稚子爽、古之畏峻 王漁守稚子邠人也初為河內

溫令路不失遺卧不用門民歌之曰王稚子世未有平

徭役百姓喜遷兗州刺史部中肅清徵拜侍御史洛陽

令聰明惠斷公平廉正抑強扶弱化行不犯發奸擿伏

息若有神京華密靜權喜畏敬元興元年平百姓痛哭

二縣吊祭行人商旅莫不祭之賈胡左威遭其清理制

服三年洛陽狂歌為之立祠天子悼惜每下詔書德令

必賜後嗣與卓茂等為伍

敬伯豈弟樹德布惠 王崇字敬伯邠人也初臨邑郡
進賢達士舉孝子嚴永隱士黃錯及張滿陳彘民為三
利徙任左扶風政教嚴明帝舅車騎將軍頭大將軍
竇憲中常侍江京等讒徙輒拒之白鹿見象不以為祥
徙魯相又徙汝南守舉陳蕃為功曹應劭司隸校尉號
知人之鑑

叔宰濟、以禮進退 馮穎字封宰邠人也少師事楊
仲桓及舅郡張光超後又事忠平虞叔權初為謁者威
儀濟、為成都令遷越雋太守所在著稱為梁冀所不
善冀夙州追之隱居作易章句及刺者洗備黃老恬然

終日

大匠奇暢妙監乎察盡言世規祇以隕越 翟輔字子

超雋人也少事段熲以明天官為侍中尚書見太史令

孫懿獻款涕泣曰國書有賊臣孫登將以才智為黃門

聞路君表相應之是以悽愴後為京兆尹光祿大夫將

作大匠上言漢四百年當有弱主閉門聽政數在三百

年之間薦故太尉龐參故司徒李郃明道三才忠正可

以輔世所言每指刺疾權貴誣誦及尚書尚書芝文構

免死著爰神軒經說平家

司隸聰敏奮名後葉 郭賀字喬卿雋人也初為太守

黃幸產曹幸有事占漢中太守李榮俱被徵賀勸幸星
行詣詔徵自歸得免榮稽留以殺之由是顯名太守蔡
茂命為主簿茂夢坐太極殿上得嘉禾三穗以問賀對
曰明府位當至三公旬月茂遷司徒表賀能結令稍遷
侍中尚書僕射司隸校尉荊州刺史明帝南巡狩其
治徵河南尹平天子高祖賜錢三十萬

鍾蔡嗣，交友推賢。鍾頭字子誦，鄆人也。蔡弓字子
騫，雒人也。俱攜手共學。冬，則侍親，春行受業。與張霸、李
卻、張皓、陳禪為友。共帥司徒李恭，顯又與王稚子同見
察考於太守陳司空。歷簡州刺史、光祿大夫、侍中、衛尉

弓為廬江太守。徵拜頭而顯與蔡皆為公卿。

西李憑采文藻可觀。李尤字伯仁，李勝字茂道，雒人

也。侍中賈逵薦尤有相如。揚雄之寸明，帝召作東觀碑

雍得陽諸觀賦，銘懷戒頌百一十篇。著政事論七篇。帝

善之，拜諫大夫。樂安相後，與劉珍共撰漢紀。孫亮有文

才，勝為東觀郎著賦論，諫頌數十篇。

憲父懸車。王稚字叔起，堂幼子也。屢拒孝廉。公府十

五辟公車徵，及授二千石，徵以太常終。不詣，年八十一

卒。門人錄其本行，謚曰憲父。癸未，詔書以安車聘，請會

已止。

徵君邈肥 馮信字季誠鄰人也郡三察孝廉州舉茂

才公府十辟公車再徵不詣公孫述時託目青瞢侍婢

姦其前陽不覺迷平以年老不出

董任循志未昂然也 董扶字安任安字宣祖綿竹

人也寄居教授弟子自遠而至扶初應賢良方正詣京

師宰府十辟公車三徵再徵不詣為侍中觀漢將亂承

為屬國還蜀安察孝及孝才公府辟公車徵皆不詣平

布示弟子杜徵何宗杜^士皆名士至僕位

不表^士傳提攜名士 王商字文表廣漢人也博學多

聞州牧劉璋辟為治中^士守蜀郡太守荆州牧劉表大

儒南陽中^士仲子^士其^士名皆^士交好^士文休^士稱中^士夏^士王

景興輩也商勸璋攬拔奇士甚善巨擘薦致名士安漢

趙建 及陳寶盛先墊江巽揚趙敏黎景閔中王

德江州孟彪時至州古^士縣郡守又為李^士蕪立祠^士諸祀

典在官一十年而平

起穎拔華實惟世信 劉寵字世信緜竹人也出自孤

微以明公羊春秋上計闕下見除成郡令政教民肅時

諸縣多難治乃換寵為郡令又換鄭安漢皆垂績還在

成郡還拜柯太守初乘一馬之官布衣疏食儉以為^士教

居郡九年乘之而還更人為之立銘王商陳寶當世貴

士皆與為友

節英元烈仰訴鼎臣 段恭字節英雄人也少周係七
十餘郡求帥受學經三十年凡事馮翊駱吳孫太山
之章渤海化州陽遂明天文二卷東平虞北雅學能高
尚世遂遊於蜀恭以朋友禮待之後為上計掾會司
勅太尉厯參兼舉茂士考廉氣性忠正亮直為貴戚所
擯以志發病遠近稱冤恭不能耐其枉抗疏表參忠直
不當以說佞傷毀忠正帝悟即日召西曹掾問病尋羊
酒慰勞參忠

士遊孝厚感物悟神

姜詩字士遊雒人也事母至孝

母欲江水及鯉魚情不能得會其母共之詩常供餅
子汲江溺死祕言違學不使母知於是自傷泉出於舍
側有江水之香朝一出鯉魚二頭供二母之膳其泉灌
田六頃施及比鄰公孫述平後東精為賊掠害不敢入
詩里時大荒餓精致米肉與詩、埋之永平三年察孝
廉明帝詔曰大孝入朝孝煮一切皆不之除江陽行長
所居鄉皆為之立祠

少林陰惠陽報是甄 王忱字少林新都人也遊學京
師見客舍有一書生困病忱隱視奄忽便施有金十斤
忱以一金買棺木五斤還要下葬埋之後為大度亭長

大馬一匹來入亭中又有繡被一領飛隨其前人莫識
者郡縣以異忱後乘馬到維馬率忱入宅令主人問忱
所由得馬忱具說其狀并及繡被主人悵然曰君何陰
德而致此忱說者埋其生事主人驚曰是我子也姓金
名亮卿乃葬之不報天輒得德辟孽為卜除郡令宿齋
亭中數有人為鬼所殺忱上樓夜半有女子稱寃曰妾
倍令妻也當之官宿此枉為甚長所殺大小二十口埋
在樓下奪取財物忱曰汝何故以恒殺人女子曰妾不
得白日惟依夜魅人賤不肯應志故殺之初來時言無
衣忱以衣之之言投衣而去旦召遊徼詣問其服即

收同謀十餘人殺之送法令妻還鄉里當世稱之

仲魚謙冲

羊某字仲魚郭人也父為交州刺史卒官

著迎喪不敢取官舍一物郡三察孝廉公府辟州別駕

皆不應太守尹奉嘉刑名行禮樂為功曹刺史必欲

借著自佐不得已為別駕後為太守孫寶奏為役諷功

曹嘗欲渡津吏停車待之三日將宿亭中有縣吏引

車避之為野王令

雲御安貧 朱倉字雲御什邡人也受學於蜀郡張寧

倉豆飲水以誦同業謙其貧資給米肉終不受著河洛

解家貧恒以步行為郡功曹每察孝廉羞為州府

試不就州辟治中從事以諷詠自給

伯式字昭 折像字伯式雒人也其先張江為武威太

守封南陽折象曰氏焉父國為繁林太守家貲二億故

奴姬八百人盡散以施宗族卹賤親舊英元平喪事東

平冀并難以道教授門人朋友自遠而至時人為澆曰

折氏容誰朱雲仰段節英中有仙子龍中平但說天文

論五經

孟宗當仁味道好施傳風道倫 讚仙魚以下也杜真

字孟宗縣竹人也誦書百萬言兄事翟輔 免後尚書

令與司隸校尉枉劾之獲徵詣獄真上章救之受掠笞

六百獄中明無其事亦以此以流道被禁時宗族不

應公府辟命及辟長吏假還每交於門乃斷髮以自絕

漢儒諱兩精感慶雲 諱輔字漢儒新鄉人為郡五官

掾時天大旱請雨不降輔出禱於乃積薪祝神曰不雨

欲自焚為貪以吏謝罪百姓言請蒸雨

韓撥義烈 韓撥字伯亮綿竹人也為令尉哀主簿值

黃巾賊入界扶哀走入草中哀遺亦隱翳處未還哀為

賊所得見害撥殞殮葬埋訖詣從事曹龍龍兵討賊

破曰本報令君而為自恣非忠乃自殺

喬雲勇震 左喬雲綿竹人也少為左道所養為子通

坐位後、逃吏欲破道牘、道每壯子故為吏所侵、喬靈時年十三、喟然憤怒、以銳刀殺吏、能道走、將令出、追初、聞以為壯士、及知是小兒、為之流涕。

楊寬證將烈播友人、寬字仲新、却人、父斌、征令万、世太守、殺祖、以忠義壯、聞寬為郡吏、却人馬、聞章言太、守五方、寬与儿偕詣、徵證之、得禮後、方遣、南郡、聞章、之寬乃發、聞臨私亭、聞伏、器友人、女、銀為、法、明所、殺、寬、怒、待、明、送、銀、家、使、自、謝、之、也。

寧叔報仇、寧村字茂泰、廣漢人也、友人張昌共受業、太學、昌為河南大黃、昌條所殺、村殺條、自拘、河南、獄、順、帝、義、而、赦、之。

張漢師讐、張鉗字于安、廣漢人也、師事、特為、謝、襄、死、負、土、成、墳、三、年、哀、子、為、人、所、殺、鉗、漢、其、讐、自、拘、武、陽、獄、會、赦、寬、當、世、義、之。

賈為士死、分、倂、雲、朱、賈、相、字、元、集、什、邠、人、也、雒、孟、伯、元、為、父、復、讐、聞、相、名、在、投、之、雒、縣、進、白、元、蹤、相、歎、曰、士、以、義、遇、我、豈、可、信、哉、殺、雒、縣、必、移、什、邠、負、我、君、乃、自、殺、李、勝、言、之、以、方、雲、卿、魯、朱、家。

郭玉通直、蓋、亦、所、備、郭、玉、字、通、直、新、都、人、也、明、方、術、伎、妙、用、針、作、經、方、頌、說、官、至、太、醫、丞、授、尉。

爰迄劉氏司農含章爽朗翠繁觀國之光 秦宓字子
勅綿竹人也初隱遁不應州郡之命丞相亮領益州牧
以選為別駕中郎將吳使張溫將及亮帥百官餞之
溫與宓語答問響應辭意雅美溫大敬服以為蜀之有
宓猶魯有仲尼也遷長水校尉司農宓甚有道理弟子
進周供傳其業

李王四子並作琳琅

李朝字東南弟朝字律南郡人

也王士字善德從弟甫字國山文表諸弟也先主領牧
朝為別駕郡下士先主為漢中王其文朝所造也後丞相亮府辟西曹掾亦有文士兄弟三人稱三龍士歷宓

集疑為益州太守亦有心人漢書有嘉竹為州

右職

優游容與特進太常 鍾原字公文郡人也歷郡守州

右職為少府太常時費晏秉政益光來敏皆棲避承以
和獨立特進之也

從事烈志諫君刎首 王崇新起人也州牧璋從別駕

張松計遣法正迎先主主簿黃權諫不納累為從事以
諫不入乃自刎州門以明不可

鄭度進規忠謀國受雖云天時抑由人咎 鄭度綿竹

人也先主自葭萌南攻說牧璋曰左將軍懸軍繫我野

穀是資急驅已西梓潼民由涪水以南一切燒除野穀
固壘待之彼請戰不許久無所資不過百日必當面縛
先主聞而惡之璋不納言雖在天亦由璋之愚也

永年負才自喪世主 我羨字永年廣漢人有俊才劉

璋時坐車為寇及先主入 此應統為君職失州意左

遷江陽太守羨怨望請葛亮以為心大志廣難可保勸

先主曰事謀之

漢高祖、天子其心 李漢高祖字漢高祖也牧璋時為

牛鞮其先主須牧為逆事正且命行酒禁進見讓先主

曰於威以將軍宗室師將委以討賊元功未初先寇而

賊逆以將軍之取也甚為不宜也先主曰知其不宜

何以不助之逆曰非不敢也力不足耳有司將殺之諸

葛亮為請得免久之為犍為太守丞相泰軍安漢將軍

建興六年亮西征馬謖在前亮將殺之諫以秦赦孟

明用霸西戎楚誅子玉二世不竟失亮意還蜀十三年

亮平後主素服發哀三日逆上疏曰呂祿霍禹未必懷

反叛之心孝宣不好為殺臣之君直以臣懼其偏主畏

其威故姦前生亮身仗強兵狼顧虎視五大不在邊臣

常危之今亮殞歿蓋宗族得全西戎靜息大小為慶後

主怒下獄誅之

說、彦造或哲或友昭得音芳垂名厥後 總讚此四

十六人也

述廣漢人士

任母治內子成名賢 任安母姚氏也雅稱閨門早寡

主義資安適事大儒安教授每為賑卹其弟子以慰勉

其志於是安之門生益盈門

龐行奉姑婦所之先 龐行妻詩妻也事姑晝夜紡績

以給供養子汲江水溺死秘言造詣學帶作冬夏衣投

水中託言請與子詩呼妻使為姑春應命遂見遺不敢

遠去赴于外供給自鄰母致姑勸還

依、義勇救誅科度誡處世主權女報刑 義勇救誅

長姜程母錦竹司馬雅妻也既許婚父坐事往朔方雅

就婚死值人送其喪尋父母死朔方義勇獨與弟孤居

十年永終不肯乃上疏自訟亦還鄉里天子愍悼下朝

方使送遂下詔書給律令女已許婚不得從父母從

紀配斲指以章厥軀 紀配廣漢殷氏女喪伯妻也年

十六適伯、早亡以己有美色憲人求已作詩三章自

誓心而求者猶眾父母將許乃斲指明情子^憲猛終義太

守薛鴻圖像府庭

趙王進娥殘體令誠

趙非廣漢王輔妻也王和新都

人便敬妻也李進城鄰人馮李室妻也輔早亡對父欲
改嫁非乃詣太守五方戮髮自誓敬亦早亡和養孤守
義芳郡何玉目謀介家之兄晚喻以公族可憑和志割
其一耳李室亦早亡父母欲改嫁進城亦剪髮自誓各
養子終義

正流自沉王際水清 正流黃漢李元女楊文妻也適
父有一男一女而父沒以繼孀為業父欲改嫁乃自沉
水中宗族誅之戮死黃免太守五方為之圖象
相為素福我不存生 相為德陽人素雅妻也十五適
稚二十稚亡無子父母欲改嫁之便自殺素福亦德陽

人正上妻也不二上以孝義聞 夫死守志終身父
母欲改嫁乃自殺
汝氏世曾由婦謙柔 汝敬妻某敬兄弟共居有父母
時財嫂心欲得妻勤送二元數盡讓由宅奴婢与兄自
出居後數耕得金一器妻漢勤送二元夫妻共往嫂性
怯番謂欲借貸甚不悅及見金踊躍兄感悟即出妻讓
財還弟、不受相讓積年並察孝廉世為冠族
思媚列媛美稱惟休 總讚十一人也
述廣漢列女

右廣漢士女讚第三 凡五十七人 四十六人 士
十一人 女

捷為士女

王延河平急為之功 建始五年河伏東郡氾濫充豫
四郡三十二縣沒官民至五萬河濟史大夫尹忠以
不奉職致決河自殺漢史某則詳當有封循禹之功在
捷柯之清陽亦之正源延世徵拜河黑濁者治河以竹
絡其四丈九圍大小船載小石治之三十六日隄防成
帝嘉之改年曰河平封延世關內侯拜光祿大夫仍賜
黃金百斤

文伯留禮德武海王 董均字文伯清中人也少受業
於鴻臚王臨永平初議天地京洛邠凡儀禮鈞與太常

定其制又定禮儀王莽不從其制王莽中書將以
儒學者相繼封孫通

張公執憲克知克聰極位青紫實得司空 張皓字封

明武陽人也以聰明辟大將軍掾遷為書僕射執城相

進隱士固不受徵拜延光三年安帝將廢太子

為濟陰王皓與太常桓馬太僕朱季之安帝不許及

安帝崩濟陰王立為順帝以皓為司空久之免後徵為

廷尉侍河趙騰等坐謗訕當誅所引八十餘人皓以聖

賢明義爭之咸稱平當

子鸞司京掾敢不鳴 趙旂字子鸞資中人也初臨甘

陵和農郡甚善治民徵尚書選司隸校尉時巢葉子弟
放恣所以法繩之不敢為非京師傳授教不鳴
孟父翹、平頭有成 楊渙字孟文武陽人也以清素
博雅悉妻和相趙暹尚書中郎司隸校尉甚有嘉譽美
稱

伯邳正直翹、揚聲 楊邳字伯邳漢安縣人也初為
郡守太尉李固薦邳忠直拜為書太僕陳蕃表為
河東入為尚書令奏書治南陽太守曹柔預以太守曹
騰濟南太守孫利等子弟依託刑勢滋縱徵廷尉治罪
利巢葉歸宗子也依勢之又為朱鳥成清滕延為尚

書陸利為郡守名子山 楊齊字伯思武陽人為功曹刺
校尉葉封父巢忠為執金吾不朝正初劾奏之朝士服
其公亮遷將作大匠

弱君將命迺播其名 楊齊字伯思武陽人為功曹刺
史王尊當之州移書州郡不得遣迎惟疑為遣養何霸
已郡遣嚴尊、大怒養前對曰使君不使奉迎謙也太
守承迎敬也謙敬上下之節不可廢也尊乃欣然請辟
別駕舉茂才官至揚州刺史 暹司隸校尉葉封父巢
忠為執金吾迷時漆身為厲佯狂避世迷破為合浦守
蜀中歌之曰節義至、費奉居不任亂世不避惡君停

身於蜀紀名亦足後世為大族

任公開明 任永字君業楚道人也張歷數王莽時託

青盲公孫述時累徵不詣子溺井死見而不言妻淫於

前面而不怪述平乃曰世道平日即誘妻自殺光武徵

之以年老不詣平

民遷太守上封受守開清之三年不能以子領師事少

府李膺、誅自免久之拜 却令遷益州太守上封事

民涕泣送之至沮者七百人白水縣者三百人值益州

亂後米斛千錢穀石悉化轉輸比去米斛八錢雁鳥巢

其聽事字欲而玄三府表薦徵拜議郎自免歸州牧劉

焉表拜都尉為人廉正族無祠勅子孫惟脩善為壽仁

義為福年八十一而卒

盛國好學研頤聖真 楊元字盛國梓潼人也少好學

求師遂業受古學於扶風馬季長呂叔公南陽朱明耕

賴川白仲職精究七經其朋友則賴川荀慈明李元禮

京兆羅景叔漢陽孫子夏山陽王封茂皆海內名士遂

以教授州里嘗言國緯空說去事希略疑非聖不以為

教察孝廉為郎平

漢伯隸業諸生之純 景鸞字漢伯梓潼人也少與唐
漢郝伯宗蜀郡任州本類以李仲衛海孟光州遊學上
州遂明經

州和慎終 杜撫字州和資中人也少師事薛漢治五
經教授門生千人太守王卿召為功曹司徒辟不及闕
公免不往承問東平憲王為驃騎將軍

辟西曹掾後遷為五門在驃騎府青蓮之數年乃去
應三公徵無傳遂故公作讀道漢說弟子南陽馮良亦
以道學稱

君橋家務 趙松字君橋武陽人為童子數資問費貽

及知其然世察與周旋終不棄之也延平學於子為上

黨太守

英、四子利於君身 讚費貽以下

皇漢弛網官人失紀文紀憲謬表明感否 張愷字文

紀司空皓子也在漢朝公平廉正權官側目憚之漢安

元年以光祿大夫持節與侍中杜喬循行州郡考察風

俗出宮垣埋車先奏太尉桓焉司徒劉壽尸祿素餐不

堪其職出城又奏司隸校尉趙峻河南尹梁不疑汝南

太守梁乾等賊穢濁亂檻車送廷尉治罪天子以乾梁

冀州父貶秩免峻等又奏魯相寇儀、自殺威風大行

郡縣莫不肅懼還葉恨之出為應陵太守承畔亂後懷
集梅邱甚有治化在官十年卒子績尚書績弟方為豫
州牧子孫數世至大官

白虜狂僭亂離斯地孝仲黎馬社稷是死 朱遵字孝

仲武陽人也公孫儻孫遵為特為郡功曹領軍拒戰於

六水門衆少不敵乃埋車輪伴馬必死為徒所殺光武

嘉之追贈後漢特軍郡縣為立祠

遠漢中梁敬志知己 趙敦字達康武陽人也初為新

却令德化宣流三司及大將軍葉崇辟終不詣葉辟

書不能後葉自殺使者登守不使人爭問敦獨往平祭

祀自始

州道敦孝石生江沔 阮相字州道蔡道人也養母至

孝母欲食江中水相冬夏汲之一朝有積石生心派中

哀帝世察孝熹平帝時為郡

吳生致養志感靈祉 吳孝順叔和轅道人也事母至

孝赤烏巢其門甘露降其戶察孝廉永昌 太守

劉后初載寶多良才季休忠亮經事能治 楊洪字季

休武陽人也先主領牧為部屬從事及征漢中丞相亮

表為蜀郡太守先主疾病永安召亮東行漢嘉太守黃

元及後主用其計亮元封關內侯後為中郎將越騎尉

忠清公亮甚信任之

德山沈學道以光時 伍梁字德山南安人也儒學雅
尚州選迎牧諸葛亮為功曹選五官中郎將

列式作合 費詩字公 費詩字公

學南安人也先主領牧為前部司馬韋臣勸先主稱尊
別詩上疏曰秋下以曹操父子逼主篡盜故乃羈旅石
里糾合眾士將以討賊今敵未大尅而先自主恐人疑
惑者高祖撥子嬰指為推戴既未出門便欲自立邪以

此左遷水昌 魏書 趙雲 趙雲 趙雲 趙雲 趙雲
來降說魏訪太守孟達欲背魏向蜀亮方北面欲招達
為外援歎與書詩進曰孟達小子昔事振威不忠後事
先帝背叛反翼之人何足與書也亮然詩終劉氏之
世官位不盡其才君子以昭烈之弘曠武侯之明達詩
吐直言猶尚陵遲沈肅主昏壺率意直言而安肆效者
哉
文然簡默言不詭隨 楊義字文然武陽人也輔漢將
軍張裔薦為丞相亮主簿大司馬蔣琬辟東曹掾歷二
郡太守為射聲校尉性簡略未曾以甘言加人酒後言

吳多悞初失大將軍姜維意為維所變延興十八年作
季漢輔臣贊在蜀書

車騎快、與國安危 張翼字伯恭文紀孫也以文武
才幹應征西將軍魏南大將軍封亭侯延熙十八年與
大將軍姜維西征大破魏雍州刺史王治於狄道經衆
死逃去者數萬人維欲進翼諫不可必進無功維時後
出雍西翼苦進軍為國小不宜輕武必為訖之不聽不
得已無快、後行黃州元年遣左車騎將軍領蕪州刺
史蜀平後元

精、衆伴芳烈名表方德詳嘉捷之續說

進揚穆、先姑是憲 進揚陽氏女大匠廣漢王堂長
子博妻也博後母父有母儀之德進揚則其教為行國
門雍睦梓扞太守李裒亦上假係每不和欵恨後富貴
學問不及博家也

楊拒請父厥族蒙援克諧內愛訓及 秀亮 拒武陽人
也生自寒微父 生事閑歡楊渙始為尚書郎告歸
郫縣敬重之拒為處女乃邀道扣渙馬訟父罪言辭慘
慨涕泣渙邀告縣為出其父因奇其才為子文方聘之
信婚大族二弟得任官遂世為官門後方為漢中太守

以趙宣為賢將察孝廉函封未定疾平恒秘不發先遣
孝廉上道乃發表宣得進用恒之力也後文方兄子伯
邳為司隸校尉時恒長子頽伯益州刺史仲子頽二千
石伯邳以京尉母教迎在官舍每教邳政治伯邳欲舉
茂才選有二人伯邳欲用老者嫌以其毫欲舉五方面
幸切以咨對母學方後趙宣為掾為五方為廣漢恒尚
在故夫教之四時承問不絕

周度割體身節其金 周度被道人也相登妻十九登
亡中平令兵後因人木之斷髮以誓志後人猶欲求之
乃割其單衣子早亡其妻在二十一年十九逆其守義一世

敬姐沈潤滅烈壘然 敬姐南安人也周紀之妻十
七出適十九紀亡遺生子元余服闋父母以許孫賓紹
母病迎還知之自投木入赴之氣已絕一日一夜乃甦
自還依紀弟居訓導元余為學士年九十卒
身缺玉操弥久弥刊 身缺字瓊玉牛脾程氏女張惟
妻十九適惟朱壽惟亡魚子養兄子悅供養舅姑夙夜
不怠嘗中王冲歎娶缺、對父肱答以女志不可奪冲
為太守李嚴督郵嚴之賄遣孝義攝奉差雁宣太守命
聘之缺乃自投水採援不死後太守種高為立表太守

男郡 造人心掃諭曰 身跌太守章陵劉威又

為作頌故稱述也

韓姜自裁后旌其完 韓姜楚人尹仲讓妻也二十讓

亡服除資中董璽曰從事王為弟姜不許璽川生左

習王璽以為姜可奪教姜家言母病迎還韓氏曰逼成

婚姜聞故自裁太守已辟弓楊哀之殺璽以報姜死

謝姬引洪問穴齊定 姬南安人武陽成妻也成死以

已年壯無子將奕乃預作殯殮其毒藥預夫棺入墓拊

棺吞藥而死遂同葬以表郡、言州、上尚書天子

治嗟下書在大赦賜葬中及蘭谷二石

媛姜 中人盛道妻也建安五年道坐過夫婦同獄子鞠年方

五歲姜謂道曰官有常刑君不得已矣妾在漢何益君

門戶君可同鞠亡命妾代君死可得從君宗祀道依違

數日姜苦言勸之遂解脫給衣糧使去代為應對度支

遠乃告吏殺之後遇赦父子得還道雖任官當世痛感

終不更娶鞠亦不仕

黃帛 黃帛喪沉身中流靈精相感攜夫共浮 黃帛楚道

人張貞妻也貞受業於韓子方去家三十里船覆死貞

弟求喪經月不得帛乃自往沒處躬訪不得遂自投水

中大小驚魄積十四日擣夫手浮出時人為語曰符有

先洛焚道帛亦天下無有其侶焉長韓子冉嘉之

召帛子幸之縣股肱

烈哉諸援節稱義道讚此九女也

還捷為列女

石捷為士女讚第四凡二十九人二十九人

世傳國志俱闕十卷上中此本雜出自錢料寶

氏此外錯批脫爰不成書聊用錄出以俟善本

校之七月廿又六日陽士呈獻又書

華陽國志卷第十中

華陽國志卷第十

晉常璩著

明吳琯校

漢中士女

鄭子真褒中人也玄靜守道履至德之行乃其人也

教曰忠孝愛敬天下之至行也神中五徵帝王之要

道也成帝元舅大將軍王鳳備禮聘之不應家谷口

世號谷口子真亡漢中與立祠神中五徵

衛衡字伯梁南鄭人也少師事隱士同郡樊季齊以

高行聞郡九察孝廉公府州十辟公車三徵不應董

扶任安從洛還過見之曰京師天下之市朝也足下猶之人耳何其在遠以虛名屢動徵書若至中國則價盡矣衡笑曰時有險易道有汗隆若樊季齊楊仲桓雖應徵聘何益於時乎苟無所則尼軻恹恹是以君平子真不屈其志其子之徒也哉吾何虛假之有安扶服之敬其言也

鄧先城固人也景帝時御史大夫晁錯患諸侯強大建議減削會吳楚七國謀反假言誅錯故吳相袁盎諧帝殺之拜盎太常使赦七國七國遂叛鄧公爲謁者入言軍事問曰七國聞晁錯歿罷兵不對曰吳王

即山鑄錢煮海爲鹽謀反積數十年錯患之故欲削弱爲萬世策諸侯憂之計畫始行身死東市諸侯莫憚內杜忠臣之口外爲諸侯報怨臣竊爲陛下不取也帝歎息曰吾亦恨之武帝初爲九卿

張騫城固人也爲人強大有謀能涉遠爲武帝開西域五十三國窮河源南至絕遠之國拜校尉從討匈奴有功遷衛尉博望侯於是廣漢緣邊之地通西南之塞豐絕遠之貨令帝無求不得無思不服至今方外開通騫之功也

張猛字子游騫孫也師事光祿勳周堪以光祿大夫

給事中侍元帝帝當廟祭濟渭欲御樓船御史大夫薛廣德當車免冠乞頸血污車輪陛下不得廟祭矣帝不悅猛進曰主聖則臣直今乘船危就橋安聖主不乘危故大夫言之帝曰曉人不當如是也後與周堪俱以中正爲幸臣弘恭石顯所譖毀乍出乍徵堪平和猛卒自殺

楊王孫城固人也治黃老家累千金厚自奉養臨終告其子曰我死輟葬以復吾真但爲布囊盛尸入地七尺旣下從足脫之以身親土其子不忍見王孫友人祁侯諫之王孫曰厚葬無益死者也夫俾財送死今日人明日發此真無異暴骸中原裹以幣帛隔以棺槨哈以珠玉後腐朽乃得歸土不可故吾欲早就真宅祁侯無以易卒輟葬如其言

李郃字孟節南鄭人也少明經術爲郡侯吏和帝遣使者二人微行至蜀宿郃侯舍郃爲出酒夜飲露坐郃問曰君來時寧知二使何日發來耶二人怪問之郃指星言曰有二使星入益部後一人爲漢中太守命爲功曹察孝廉遂馳名爲尚書郎徙左丞稍遷至尚書僕射尚書令拜司空又進司徒清公直亮當世稱名順帝世薨

史略不悉
不詳

李固字子堅，郃子也。陽嘉三年，以對策忠元，拜議郎。大將軍梁商后父也。表為從事中郎，授荊州刺史。值州部有亂，至州先友其賢者南陽鄭叔躬、宋孝節、零陵支宣雅，表薦長沙桂陽太守趙歷。卒已，奏免江夏南郡太守孔疇、高賜等州士，自然安靜。按本傳固奏高賜等賊穢徙太山太守克寧，盜賊入為將。作大匠，多致海內名士。南陽樊英、江夏黃瓊、廣漢楊厚、會稽賀純、光祿周舉、侍中杜喬、陳留楊倫、河南尹存、東平王憚、陳國何臨、清河房植等皆蒙徵聘。轉大司農。順帝崩，太后臨朝，拜太尉。與后弟大將軍梁冀

太傅趙峻並錄尚書。冲帝崩時，徐揚有盜賊。太后欲不發喪，須召諸王至固爭不可。言國家多難，宜立長君。太后欲專權，乃立樂安王為質。帝崩，太后復與梁冀謀所立。固與司徒南郡胡廣、司空蜀郡趙戒書與冀，引周勃、霍光立文宣以安漢之策。閭鄧廢立之禍，言國統三絕，期運厄會興，崩之漸在斯。一舉宜求賢王親近，不可寢嘿也。冀得書，召公卿列侯議所立三公及鴻臚杜喬，僉舉清河王蒜。冀然之，奏御太后中常侍曹騰私恨蒜，說冀明日更議。廣戒從冀固與喬必爭，蒜宜立中興才也。且年長識義，必有厚將。

軍冀不聽策免固喬歲餘取下獄以無事出之京師
市邑皆稱千萬歲冀惡其爲人所善更奏擊之固書
與二公曰吾欲扶持漢室使之比隆文宣何圖梁將
軍迷謬諸子曲從以吉物爲凶成事爲敗漢家衰微
從是始矣將軍亦有不利吾雖死上不慚於天下不
愧於人求義得義死復何恨遂自殺二公得書歎息
流涕士民咸哀哭之桓帝無道冀尋受誅漢家遂微
政在閹宦無不思固也

張亮則字元脩南鄭人也爲牂牁太守威著南土永
昌越雋夷謀欲反畏則換臨其郡相諫而止號曰臥
虎以戍狄勲遷護羌校尉徵拜扶風又換臨桂陽皆
平盜賊巴郡板楯反拜隆集校尉鎮漢中徙梁州刺
史又爲魏郡太守所在稱治靈帝崩後大將軍袁紹
表爲長史不就丞相曹公拜度遼將軍

趙宣字子雅南鄭人也出自寒微以溫良博雅太守
犍爲楊文方深器異之遂察孝廉官至犍爲太守

趙瑤字元珪琰字稚珪凡七兄弟宣子也皆以令德
著聞瑤少有公望瑤始爲緱氏袁趙二公相與書曰
趙瑤在緱氏猛虎歸迹百里均耳叔平何難遷扶風
太守徙蜀郡司空張溫謂之曰昔第五伯魚徙蜀郡

爲司空掃吾第以待足下矣瑤曰諾尋換廣漢卒琰始爲青州刺史部下清肅徙梁相徵拜尚書不

卒就

陳綱字仲卿成固人也少與同郡張宗受學南陽以母喪歸宗爲安衆劉元所殺綱免喪往復之值元醉臥還須醒乃殺之自拘有司會赦免三府並辟舉茂才拜弘農太守初至有兄弟自相責引退是後無訟者在官九年卒天子痛惜賜家錢四十萬

李法字伯度南鄭人也桓帝時爲侍中光祿大夫數表宦官太盛椒房太重史官記事無實錄之才虛相褒述必爲後笑帝怒免爲庶人恬然以咎失爲已責

久之徵拜汝南太守遷司隸校尉湛然無自得

容

李燮字德公太尉固子也父歿時二兄亦歿燮爲姊所遣隨父門生王成亡命徐州傭酒家酒家知非常人以女妻之延熹二年梁冀誅後月經陽道暈五車史官上書昔有大星升漢而西捲舌揚芒迫月熒惑犯帝座則有大臣枉誅星在西方太尉固應之今暈如之宜有赦命錄其遺嗣以除此異於是下赦燮得返舊四府並辟公車徵議郎與趙元珪潁川賈偉節荀慈明張伯愼爲友伯愼爲潁川太守與慈明交相言論偉節與焉京師以爲臧否伯愼問趙元珪曰德

公所言何元珪曰無言也伯慎追歎曰當如德公兒輩徒靡沸耳慈明亦寤而心變拜東平相國王爲黃巾所沒得出天子復封之燮以爲不可果敗遷京兆尹時人爲之語曰李德公父不欲立帝子不欲立王陳雅字伯臺成固人也靈帝時爲諫大夫闞宦用事上疏曰昔孝和帝與中常侍鄭眾謀誅大將軍竇憲由是宦官秉權安帝幼冲和熹太后兄大將軍鄧騭輔政太后適崩中常侍江京等專權安帝登遐黃門孫程又殺車騎將軍闞顯孝桓帝又與中常侍單超等共誅大將軍梁冀陛下卽當太傅陳蕃大將軍竇

武尚書令尹勳等欲誅宦官絕其奸擅盡忠王室建萬世策禘事不密爲中常侍朱瑀等所殺此卽陛下所見今宦官強盛威傾人主天下鉗口莫敢言者海內怨望妖異竝作四方兵起萬姓辛苦陛下尚可以安柩後嗣何帝不省納出爲己郡太守年七十五卒臨終戒其子曰期運推之天下將太亂雖夫力爭無以資財爲意吾亡依山薄葬亡歲餘靈帝崩大將軍何進復爲黃門所殺海內果亂終成三國也

閻憲字孟度成固人也名知人爲綿竹令以禮讓爲化民莫敢犯男子杜成夜行得遺物一囊中有錦二

十五疋求其主還之曰縣有明君何敢負其化童謠
歌曰閻尹賦政旣明且杲去苛去辟動以禮讓遷蜀
郡民泣涕送之以千數

李歷字季子太尉固從弟也少修文學性行清白與
鄭康成陳元方齊名弱冠拜新城令朝請都督

程苞字元道南鄭人也光和二年上計吏時巴郡板
楯反軍旅數起征伐頻天子患之訪曰益州計考以
方畧苞對言板楯忠勇立功先漢爲帝義民羌入漢
中輒蒙其力東征南戰世有功勞由不料卹以致叛
亂非有僭盜能相羣殺兵臨之未必卒得不如但選
明能太守恩信懷服自然安定矣天子從之卒如其
言後在道卒

祝龜字元靈南鄭人也年十五遠學汝隸及太學通
博蕩達能屬文太守張府君奇之曰吾見海內士多
矣無如祝龜者也州牧劉焉辟之不得已行授葭萌
長撰漢中耆舊傳以著述終

段崇字禮高南鄭人也太守河間鄭厓命爲王簿永
初四年涼州羌反溢入漢中從厓屯褒中虜東攻厓
欲戰崇諫不可願固壘待之厓不聽出戰敗績崇與
門下吏王宗原展及子勃兄子伯生推鋒死戰衆寡

穆姜安衆令程祗妻司隸校尉李法姊也祗前妻有四子興敦觀豫穆姜生二子淮基祗亡興等憎惡姜姜視之愈厚其資給六子以長幼爲差衣服飲食凡百如之久興等感寤自知失子道謁南鄭獄受不愛親罪太守嘉之復除門戶常以二月八月社致肉三十斤酒米各二斛六斗六子相化皆作令士五人州郡察舉基字稚業特薦免爲南郡太守

秦瑛南鄭楊相妻大鴻臚劉巨公女也有四男二女相亡教訓六子動有法矩長子元珍出行醉母十日不見之曰我在汝尚如此我亡何以帥羣弟子元珍

叩頭謝過次子仲珍白母請容旣至無賢者母怒責之仲珍乃革行交友賢人兄弟爲名士秦瑛之教流於三世四子才官隆於先人故時人爲語曰三苗雖止四珍復起

杜泰姬南鄭人趙宣妻也生七男七女若元珪稚珪有望五人皆令德其教男也曰中人情性可上下也在其檢耳若放而不檢則入惡也昔西門豹佩韋以自寬宓子賤帶弦以自急故能改身之恒爲天下名士戒諸女及婦曰吾之委身在乎正順及其生也恩存於撫愛其長之也威儀以先後之體貌以左右之

恭敬以監臨之懃恪以勸之孝順以內之忠信以發之是以皆成而無不善汝曹庶幾勿忘吾法也後七子皆辟命察舉牧州守郡而漢中太守南鄭令多與七子同歲季考上計無不修敬秦姬執子孫禮

禮珪成固陳省妻也珪之女生二男長娶張度遼女惠英少娶荀氏皆從婢七八資財自富禮珪敕二婦曰吾先嘗言聖賢必勞民者使之思善不勞則逸吾家不爲貧也所以粗食給吾者使知苦難備居時二婦再拜奉教從孫奉上微慢珪抑絕之感悟革行遭亂流行宗表欲見之必自嚴飭從子孫侍婢乃引見之曰此先姑法也四時祭禮自親養牲釀酒曰夫祭禮之尊也年八十九卒惠英亦有淑訓母師之行者也

文姬南鄭趙伯英妻太尉李固女也父爲梁冀所免兄憲公季公罷官歸文姬歎曰李氏滅矣乃與二兄議匿弟燮父門生王成亡命徐州涕泣送之謂成曰託君以六尺之孤若李氏得嗣君之名義參於程杵矣久之遇赦燮得還行喪服闋勅之曰先公爲漢忠臣雖歿之日猶生之年梁冀已族弟幸得濟豈非天乎慎勿有一言加梁氏加梁氏則連王上是又撥福

也奉行之徒成在徐州各異處傭賃而私相往來成病亡燮四時祭之

陳順謙成固人也順謙適鄧令曹寧十九寡居長育遺孤八十餘卒兄弟陳規著書歎述之惠謙適張亮則在扶風官下吏白欲重禁嚴防以肅非元脩訪於惠謙惠謙曰恢弘德教養廉免恥五刑三千蓋亦多矣又何加也兄弟伯思學仙道惠謙戒之曰君子疾沒世名不稱不患年不長也且夫神仙愚惑如繫風捕影非可得也伯思乃止陳伯臺稱云女尚書之後耳

禮脩趙嵩妻張氏女也姑酷惡無道遇之不以禮脩終無愠色及寧父母父母問之但引咎不道姑卒感寤更慈愛之鄉人相訓曰作婦不當如趙伯高婦乎使惡姑知變可謂婦師矣後姑病女來省疾姑却之曰我死固當絕于賢婦手中後遭米賊嵩歿乃碧塗面亂首懷刀託言病賊不逼也養遺生女依父叔立義終身者也

韓樹南南鄭人趙子賤妻也子賤初爲郡功曹李固之誅詔書下郡殺固二子憲公季公太守知其枉遇之甚寬二子託服藥死具棺噐欲因出逃子賤畏法

救更驗實就殺之及固小子變得還子賤慮變報仇
賃人刺之變覺告郡殺子賤初樹南諫子賤子賤不
從及臨死許共并命兄弟婢侍婢視守之經百餘日
乃怠白兄婢念一死萬不得生不敢復圖死也上下
以爲信然無幾時於幕下自殺

梓潼士女

文齊字子奇梓潼人也孝平帝末以城門校尉爲犍
爲屬國遷益州太守造開稻田民咸賴之公孫述時
拒郡不服述拘其妻子許之公侯招之不應乃遣使
由交趾貢獻河北述平世祖嘉之徵拜鎮遠將軍封

成義侯南中咸爲立祠子忱有令德爲北海太守

李業字巨遊梓潼人也少執志清白太守劉咸慕其
名召爲功曹不詣咸怒欲殺之業徑入獄咸釋之公
孫述累聘不應述怒遣鴻臚尹融持毒藥酒逼之業
笑曰名不可毀身可殺不可辱也遂飲藥死述恥殺
名士賜錢百萬子暈逃匿不受建武中察孝廉爲遂
久令

景毅字文堅梓潼人也太守丁羽察舉孝廉司徒舉
治劇爲沅陽侯相高陵令立文學以禮讓化民遷太
守上封吏守闕請之三年不絕以子顧師事少府李

善陽國志 卷之十
膺膺誅自免久之拜成都令遷益州太守上封吏民
涕泣送之至沮者七百人白水縣者三百人值益州
亂後米斗千錢教至恩化暢洽比去米斗八錢鳩鳥
巢其廳孕育而去三府表薦徵拜議郎自免歸州牧
劉焉表拜都尉爲人廉正疾淫祠敕子孫惟修善爲
禱仁義爲福年八十一而卒

楊克字盛國梓潼人也少好學求師遂業受古學於
扶風馬季長呂叔公南陽朱明叔潁川白仲職精究
七經其朋友則潁川荀慈明李元禮京兆羅叔景漢
陽孫子夏山陽王叔茂皆海內名士還以教授州里
常言圖緯空說去事希畧疑非聖不以爲教察孝廉
爲郎卒

景鸞字漢伯梓潼人也少與廣漢郝伯宗蜀郡任叔
本潁川李仲渤海孟元叔遊學七州遂明經術還乃
撰禮略河洛交集風角雜書月令章句凡五十餘萬
言太守 貺命爲功曹察孝廉舉有道博士徵不詣
然上陳時政言經得失又戒子孫人紀之禮及遺令
期死葬不設衣衾務在節儉甚有法度卒終布衣
張壽字伯禧涪人也少給縣丞楊放家放爲梁賊所
得壽求之積六十始知其生存乃賣家鹽并得三十

萬市馬五匹往贖放道爲免所劫掠盡凡往三年計道遠不可得數乃單身詣虜涕泣自說虜哀其屢來遣放隨還郡召爲中侯詔書除丞尉以身佩印盡讓所有財物與三弟復爲郡掾章平賦役歲出三百五十萬遷功曹吏徙五官掾卒

李餘涪人父早世兄夷殺人亡命母慎當死餘年十三問人曰兄弟相代能免母否人曰趣得一人耳餘乃詣吏乞代母死吏以餘年小不許餘因自死吏以白令令哀傷言郡郡上尚書天子與以財葬圖盡府廷

寇祺字宰朝梓潼人也與邑子侯蔓俱學涼州蔓後爲渤海王象所殺祺仗劍至象家值象病象謝曰君子不掩人無備安有爲友報讐殺病人也祺乃還久之復往殺象由是察孝廉爲灞陵令濟陰相

王晏字叔博涪人也與廣漢張昌甯叔受業大學昌爲河南呂條所殺晏叔殺條事在叔解

李助字翁君涪人也通名方校醫術作經方頌

說各

齊郭玉

以上參闕文

李仁字德賢涪人也益部多貴今文而不崇章句仁知其不博乃游學荊州從司馬德操宋仲子受古學

以修文自終

杜微字國輔涪人也任安弟子先主定蜀常稱叢閣門不出建興二年丞相亮領州牧選爲主簿輿而致之亮引見與書誘勸欲使以德輔時微固辭疾篤亮表拜諫議大夫從其所志

尹默字思潛涪人也少與李仁俱受學司馬微宋忠等博通五經專精左氏春秋自劉歆條例鄭衆賈逵父子陳元方服虔注說略皆誦述希復案本以左傳授後主後主立拜諫議大夫丞相軍祭酒子宗亦爲博士耳

李譔字欽仲仁子也少受父業又講問尹默自五經四部百家諸子伎藝筭計卜數醫術弓弩機械之功皆致思焉爲太子中庶子右中郎將著古文周易尚書毛詩三禮左氏注解太玄指依則賈馬異於鄭玄與王肅初不相見而意歸多同

李福字孫德涪人也先主初爲成都令建興九年遷巴西太守後爲江州都督陽武將軍入爲尚書僕射封平陽亭侯延熙初以前監軍司馬福同郡梓潼文恭仲寶亦以才幹爲牧亮治中從事丞相參軍季姜梓潼文氏女將作大匠廣漢王敬伯夫人也少

李福字孫德涪人也先主初爲成都令建興九年遷巴西太守後爲江州都督陽武將軍入爲尚書僕射封平陽亭侯延熙初以前監軍司馬福同郡梓潼文恭仲寶亦以才幹爲牧亮治中從事丞相參軍季姜梓潼文氏女將作大匠廣漢王敬伯夫人也少

李福字孫德涪人也先主初爲成都令建興九年遷巴西太守後爲江州都督陽武將軍入爲尚書僕射封平陽亭侯延熙初以前監軍司馬福同郡梓潼文恭仲寶亦以才幹爲牧亮治中從事丞相參軍季姜梓潼文氏女將作大匠廣漢王敬伯夫人也少

李福字孫德涪人也先主初爲成都令建興九年遷巴西太守後爲江州都督陽武將軍入爲尚書僕射封平陽亭侯延熙初以前監軍司馬福同郡梓潼文恭仲寶亦以才幹爲牧亮治中從事丞相參軍季姜梓潼文氏女將作大匠廣漢王敬伯夫人也少

李福字孫德涪人也先主初爲成都令建興九年遷巴西太守後爲江州都督陽武將軍入爲尚書僕射封平陽亭侯延熙初以前監軍司馬福同郡梓潼文恭仲寶亦以才幹爲牧亮治中從事丞相參軍季姜梓潼文氏女將作大匠廣漢王敬伯夫人也少

讀詩禮敬伯前夫人有子博女紀流二人季姜生康
稚芝女始示凡前後八子撫育恩愛親繼若一堂祖
母性嚴子孫雖見官二千石猶杖之婦跪受罰於堂
歷五郡祖母隨之官後以年老不願遠鄉里姜亦常
侍養左右紀流出適分已侍婢給之博好寫書姜手
爲作篆於是內門相化動行推讓博妻健爲楊進及
博子遵婦蜀郡張叔紀服姑之教皆有賢訓號之三
母堂仁義救康稚芝婦事湯弟如舅姑中外則之皆
成令德季姜年八十一卒四男棄官行服四女亦從
官舍交赴內外官冕百有餘人當時榮之王氏遂世

杜慈涪杜季女巴郡虞顯妻也十八適顯顯亡無子
季欲改嫁與同縣楊上慈曰受命虞氏虞氏早亡妾
之不幸當生事賢姑歿就養成室存亡等但欲在終
供養亡不有恨願不易圖季知不可告而奪也乃密
謀與強逼迫之慈縊而死

敬楊涪郭孟妻楊文之女也始生失母八歲父爲
盛所殺無宗親依外祖鄭行年十七適孟孟與盛有
舊盛數往來孟家敬揚涕泣謂孟曰盛凶惡薄命爲
女非男比但惡離未報未嘗一日亡也雖婦人拘制

然父子恩深恐卒狂惑益君禍患君宜踈之孟以告
盛盛不納安漢元年盛至孟家敬楊以大杖打殺盛
將自殺孟止之與俱逃涪令雙勝出追聞其故而止
安尉二門會赦得免中平四年涪令向遵爲立圖表
之

譔曰二州人士自漢及魏二百四十八人而已

九十一

後賢

二十人合二百六十八人以示來世

之君子焉如其遺脫及後世可書者願貽後雋又春
秋穀梁傳首叙曰成帝時議立三傳博士巴郡胥君
安獨駁左傳不祖聖人後漢時魏郡太守王牧薦尹
方爲三公天子詔尚書郎蜀郡張俊策之然不詳其

行事

譔曰二州士女自漢及魏可謂衆矣何者世宗多士
則相如麟遊伯司鳳翔洛下雲翳叔文龍驤在孝宣
則王褒蔚炳中和作詠屬文甘泉葩爲世鏡在元成
則君公蹇蹇心思國病慮經劉危直忤王聽其高者
則嚴君味道易俗移風仲元端委居爲人宗若夫秉
心塞淵與物盈冲則楊子雲也名重泰山華夏仰崇
則鄭子真也不屈其身志高青雲則譙玄也不恥惡
君混道推運則楊宣也降及建武明章以來出者則

能內貫朝揆外播五教贊和鼎味經綸治要上荅太階下允民照處者則利居盤桓皓然玄蹈天爵翫之人爵則笑懸車門肆夷惠齊紹若斯之倫海內服其英名洙泗方其煥燿矣故曰漢徵八士蜀出其四又曰漢具四義蜀選其二可謂不衆乎然巴郡胥君安以儒學典雅稱於孝成蜀郡張俊策問尹方不出五經常議健爲呂孟有託孤之節若茲之類郡邑往往垂象刊銘見有苗裔璩晚生長亂故老以沒莫所咨質不詳其事但依漢書國志陳君所載凡士女二百四十八人而已後賢二十人合二百六十八人以示來世之好事者如能詳其遺脫及有可書願附于左其傳志父祖子孫及有名失事失官位者不列寧州人士亦不列別爲目錄至晉元康末凡三百九十二人也

華陽國志卷第十一

華陽國志卷第十一

晉常璩著
明吳琯校

後賢志

聞之善志者述而不作序事者實而不華是以史遷之記詳於秦漢班生之書備乎哀平皆以世及事邇可得而言也西州自奉聖晉後俊瑋倜儻之士或脩德讓行止從時或播功立事羽儀上京策勳王府甄名史錄侔於先賢會遇喪亂輒遘華夏顛墜典籍多缺族祖武平府君愍其若斯乃操簡援翰拾其遺闕

然但言三蜀巴漢未列又務在舉善不必珍異揆之
耆舊竹素宜闡今更撰次損益足銘後觀凡二十人
綴之斯篇非行故陸沒大較舉其一隅

衛尉卿劉宏待又立廣休

散騎侍郎劉宏待又立廣休

西河太守劉宏待又立廣休

西河太守劉宏待又立廣休

漢嘉太守司馬勝之與先

漢嘉克讓謙德之倫

郫令州主簿常助修業

郫君審諤自固底身

江陽太守何隨季業

江陽皎皎命世清淳

梓潼太守王化伯遠

梓潼矜矜在險能平

太子中庶子陳壽承祚

庶子稽古遷固並聲

漢中太守李宓令伯

漢中躋曄才蓋羣生

犍爲太守杜軫超宗

韃爲印印友于是令

給事中任熙伯遠

給事温恭尚德茂榮

中書郎王長文德雋

中書洞識寶道輯明

大長秋壽良文淑

長秋忠肅明允篤誠

大司農西城公何攀惠典

司農運籌思侔良平

少府成都威侯李毅允剛

少府果壯文武是經

衡陽內史楊邠岐之

衡陽固節隱然不傾

尚書三州都費立建熙

尚書準繩古之遺直

湘東太守常騫季慎

湘東汜愛仁以接物

武平太守常寬泰恭

武平聲鹽冰清玉嶷

揚烈將軍梓潼內史譙登慎明

江陽太守侯馥世明

文立字廣休巴郡臨江人也少遊蜀太學治毛詩三禮兼通羣書州刺史費禕命爲從事入爲尚書郎復辟禕大將軍東曹掾稍遷尚書蜀并子魏梁州建首爲別駕從事咸熙元年舉秀才除郎中晉武帝方欲懷納梁益引致雋彥泰始二年并立濟陰太守武帝立太子以司徒李胤爲太傅齊王驃騎爲少傅選立爲中庶子立上疏曰伏惟皇太子春秋美茂盛德日新始建幼志誕陟大器猶朝日初暉良寶耀璞侍從之臣宜簡俊又妙選賢彥使視觀則覩禮容棣棣之則聽納當受嘉話駭耳之言靜應道軌動有所采佐清初陽緝熙天光其任至重聖王詳擇終非糞朽能可堪任臣聞之人臣之道量方受命其所不諧得以誠聞帝報曰古人稱與田蘇遊非舊德乎立上故蜀大官及盡忠死事者子孫雖仕晉國或有不才伺之齊民爲劇又上諸葛亮蔣琬費禕等子孫流徙中畿宜見叙用一則以慰巴蜀民之心其次傾東吳士人之望事皆施行十年詔曰太子中庶子立忠貞清實

有思理器幹前在濟陰政事修明後事東宮盡輔導之節昔光武平隴蜀皆收其才秀所以援濟殊方伸叙幽滯也其以立爲散騎常侍累辭不許上疏曰臣子之心願從疏以求昵凡在人情貪從幽以致明斯實物性賢愚所同臣者何人能無此懷誠自審量邊荒遺燼犬馬老甚非左右機納之器臣雖至愚處之何顏詔曰常伯之職簡才而授何謙虛也立自內侍獻可替否多所補納甄致二州人士銓衡平當爲士彥所宗故蜀尚書掾爲程瓊雅有德望素與立至厚武帝聞其名以問立立對曰臣至知其人但年垂八十稟性謙退無復當時之望不以上聞耳瓊聞之曰廣休可謂不黨矣故吾善夫人也西界獻馬帝問立馬何如對曰乞問太僕帝每善其恭慎遷衛尉猶兼都職中朝服其賢雅爲時名卿連上表年老乞求解簪還桑梓帝不聽咸寧末卒帝緣立有懷舊性乃送葬于蜀使者護喪事郡縣修墳塋當時榮之初安樂思世子早沒次子宜嗣而思公立所愛者立亟諫之立納及愛子立驕暴二州人士皆欲表廢立止之曰彼自暴其一門不及百姓當以先公故得爾也後安樂公淫亂無道何攀與上庸太守王崇涪陵太守張

寅爲書諫責稱當思立言凡立章奏集爲十篇詩賦
論頌亦數十篇同郡毛楚楊崇皆有美德楚牂牁守
崇武陵太守

柳隱字休然蜀郡成都人也少與同郡杜禎柳仲竝
知名隱直誠篤亮交友居厚達於從政數從大將軍
姜維征伐臨事設計當敵陷陣勇畧冠軍爲牙門將
巴郡太守騎都尉遷漢中黃金圍督景耀六年魏鎮
西將軍鍾會伐蜀入漢川圍成多下惟隱堅壁不動
會別將攻之不能克後主旣降以手令敕隱乃詣會
晉文帝聞而義之咸熙元年内移河東拜議郎武帝

踐祚以爲西河太守在官三年以年老去官乞骸還

蜀卒於家時年八十長子充連道令次子初舉秀

杜禎字文然柳仲字雅厚州牧諸葛亮辟爲從事禎
符節令梁益二州都督仲度支禎子珍字伯重畧陽
護軍仲漢嘉巴東太守大同後並舉秀才珍子彌字
景文仲子純字偉淑有名德幹器舉秀才巴郡宜都
建平太守西夷長水校尉巴東監軍

司馬勝之字興先廣漢綿竹人也學通毛詩治三禮

清尚虛素性澹不事榮利初爲郡功曹甚善綱紀之
體州辟從事進尚書左選郎徙秘書郎時蜀國州書

佐望與郡功曹參選而從事佯臺郎時重察舉雖位
經朝要還爲秀孝亦爲郡端右景耀末郡請察孝廉
大同後梁州辟別駕從事舉秀才歷廣都新繁令政
理尤異以清秀徵爲散騎侍郎以宗室禮之終以疾
辭去職卽家拜漢嘉太守候迎盈門固讓不之官閑
居清靜謙卑自牧常言世人不務求道德而汲汲於
爵祿若吾者可少以爲有餘榮矣訓化鄉閭以恭敬
爲先年六十五卒於家子尊賢佐皆有令德

常勗字修業蜀郡江原人也祖父員牂牁永昌太守
父高廟令從父閎漢中廣漢太守勗少與閎子忌齊
名安貧樂道志篤墳典治毛詩尚書涉治羣籍多所
通覽州命辟從事入爲光祿郎中主事入爲尚書左
選郎郡請迎爲功曹時州將董軍政置從事職典刑
獄以勗清亮復爲督軍治訟平當還察孝廉除郫令
爲政簡而不煩魏征西將軍鄧艾伐蜀破諸葛瞻於
綿竹威振西土諸縣長吏或望風降下或委官奔走
勗獨率吏民固城拒守後主檄令乃詣艾故郫穀帛
全完刺史袁邵嘉勗志節辟爲主簿勗善儀容翔集
動爲表觀言論壯烈州里重之然交友惟賢不交下
已者汎愛之恩猶不足邵征還道卒忌字茂通蜀謁

者黃門侍郎喪親以致孝聞察孝廉爲郎使吳稱職
歷長水參軍什邡雒令大同後刺史邵坐治城被徵
忌詣洛陳訴遠國初附君民始結不宜改易又表脩
治城池居安思危邊將常職事皆中情晉文帝時爲
相國辟忌舍人武帝踐祚拜騎都尉除河內令州名
爲難治忌挫折豪勢風教大行縣有姦嫂殺兄者羣
黨蔽匿前令莫得忌皆窮治入爲州都方議爲郡守
會卒忌爲人信道任數不從下人故爲貴勢所不善
是以作詩著論先攻已短臨喪與樂歡哀俱至爲士
類所稱忌友人廣漢段宗仲亦有學行蜀時官與忌
比袁邵爲主簿與忌共理郡事文帝善之梁州辟別
駕從事舉秀才稍遷官至雲南建寧太守

何隨字季業蜀郡郫人也漢司空武後世有名德徵
聘入官隨治韓詩歐陽尚書研精文緯通星曆郡命
功曹州辟從事光祿郎中主事除安漢令蜀亡去官
時巴土饑荒所在無穀送吏行乏輒取道側民芋隨
以縣繫其處使足所取直民視芋見縣相語曰聞何
安漢清廉行過從者無糧必能爾耳持緇追還之終
不受因爲語曰安漢更取糧令爲之償察孝廉大同
後臺召不詣除河間王郎中令不就居貧固儉衣弊

蔬食晝躬耕耨夕脩講諷鄉族饋及禮厚皆不納目不視色口不語利著譚言十篇論道德仁義常有屠牽猪過隨門猪索斷失之強認泔中猪隨便牽猪與之屠人出門尋得其所亡猪謝隨還猪遂以包之有家養竹園人盜其笋隨遇行見之恐盜者覺怖走竹中傷其手足挈屐徐步而歸其行如此太康中即家拜江陽太守民思其政年七十一卒官後州鄉人言議平當者皆相謂何江陽至于汶山夷有正直廉讓者亦號夷中何江陽杜景文何仁皆爲作傳長子觀字巨忠清公淑慎知名州至孝廉西都南安令平西長史張昌作亂荊州從黨西上郡守無不望風降下至江陽平西將軍羅尚表爲安遠護軍討賊平殄除巴郡太守朝議欲以爲寧州刺史會病卒次子遊治中從事隨時同郡繁令張崇清廉推讓見稱當時

王化字伯遠廣漢郫人也漢將作大匠王堂後也祖父商字文表州牧劉璋時爲蜀太守有懿德高名在耆舊傳父彭字仲巴郡太守化兄弟四人少有令望化治毛詩三禮春秋公羊傳郡命功曹州辟從事光祿郎中主事尚書郎除閬中令爲政清靜察孝廉

大同後復端右郡察孝廉為樂涑令

按晉書樂涑縣名屬涇州

縣近邊塞值胡虜反化率吏民積穀堅守虜斷道重

圍孤絕七年伺虜怠情出軍討之民得野掠大軍至

虜退以功封關內侯遷朱提太守撫和殊俗得夷肆

懽心轉在梓潼復有稱績為人謹重言論方雅臧否

允衷州里服其誠亮年七十二卒官弟振字仲遠亦

有德望廣都令巴東太守叔弟岱字季遠恪居官次

歷廣陽作唐令早亡少弟崇字幼遠學業淵博雅性

洪粹蜀時東觀郎大同後梁州辟別駕別舉秀才尚

書郎與壽長李宓陳壽李驥杜烈同入京洛為二州

舊傳云子情好才必能終性勞獨以寬和無所彼此

著蜀書及詩賦之屬數十篇其書與陳壽頗不同官

至上庸蜀郡太守

陳壽字承祚巴西安漢人也父安學於散騎常侍譙

周治尚書三傳鈔精史漢職屬文富豔初應

州命衛將軍王湛東觀秘書郎散騎黃門侍郎大同

後察孝廉為本郡中正益部自建武後蜀郡鄭伯邑

太尉趙彥信及漢中陳甲伯祝元靈廣漢王文表皆

以博學洽聞作巴蜀耆舊傳壽以為不足經遠乃并

巴漢撰為益部耆舊傳十篇散騎常侍文立表呈其

傳武帝善之再為著作郎吳平後壽乃鳩合三國史著魏吳蜀三書六十五篇號三國志又著古國志五十篇品藻典雅中書監荀勗令張華深愛之以班固史遷不足方也出為平陽侯相華又表令次定諸葛亮故事集為二十四篇時壽亦集故頗不同復入為著作鎮南將軍杜預表為叔河侍郎詔曰作適用蜀人壽良具員且可以為侍中又上官司論七篇依據與故議所因革又上魏書十篇華表令兼中書郎而壽魏志有失勗意不從又為內表為長廣太守總母遺令不附葬以是見譏歲除太子中庶子

太子傳從後再兼散騎常侍惠帝謂司空張華曰壽才宜真不足久兼也華表欲兼九卿會受誅忠賢排擯壽遂卒洛下位望不充其才當時寃之兄子苻字長住亦有文才繼壽著作佐郎上兼令符弟蒞字叔度梁州別駕驃騎將軍齊王辟掾卒洛下蒞從弟階字達之州主簿察孝廉襄中令永昌西部都尉建寧興古太守階辭章燦麗馳名當世凡壽所述作二百餘篇符蒞階各數十篇一州先達及華夏文士多為作傳大較如此時梓潼李驥叔龍亦俊逸器知名當世舉秀才尚書郎拜建平太守以疾辭不就意在州

里除廣漢太守初與壽齊望又相暱友後與壽情好
攜隙還相誣攻有識以是短之亦有別傳

李宓字令伯犍爲武陽人也祖父光朱提太守父早
亡母何更行見養祖母治春秋左傳博覽五經多所
通涉機警辨捷辭義響起事祖母以孝聞其侍疾則
泣涕側息日夜不解帶膳飲湯藥必過目嘗口本郡
禮命不應州辟從事尚書郎太將軍主簿太子洗馬
奉使聘吳吳王問蜀馬多少對曰官用有餘民間自
足吳王與羣臣汎論道義謂寧爲人弟宓曰願爲人
兄吳王及羣臣稱之大同後征西將軍鄧艾聞其名

請爲主簿及書招欲與相見皆不往以祖母年老心
在色養拒州郡之命獨講學立旌授生武帝立太子

徵爲洗馬詔書累下郡縣相逼宓上疏

並在

武帝覽

之曰宓不空有名也嘉其誠款賜奴婢二人下郡縣

供其祖母奉饜徙尚書郎河內溫令敷德陳教政化

嚴明太傅鉅平侯羊公薨無子帝令宗子爲世子嗣

之不時赴喪宓遣戶曹齋移推轂遣之中山諸王每

過溫縣必責求供給吏民患之宓至中山王過縣徵

芻芟薪蒸宓引高祖過沛濱老幼桑梓之供一無煩

費伏惟明王孝思惟則動職先戒本國望風式歌且

舞誅求煩碎所未聞命後諸王過不敢煩温縣盜賊
發河內餘縣不敢近温追賊者不敢經界隴西王司
馬子舒深敬友之而貴家憚其公直宓去官爲州大
中正性方亮不曲意勢位者失荀張指左遷漢中太
守諸王多以爲寃一年去官年六十四卒著述理論
論中和仁義儒學道化之士凡十篇安東將軍胡羆
與皇甫士安深善之又與士安論夷齊及司馬文中
杜超宗郗令先文廣休等議論往返言經訓詰衆人
服其理趣釋河內趙子聲誅詩賦之屬二十餘篇壽
良李曠與陳承祚相長短宓公議其得失而切責之
常言吾獨立於世顧影爲儔而不懼者心無彼此於
人也故宓六子皆英挺秀逸號曰六龍長子賜字宗
碩州別駕舉秀才汶山太守少與東海王司馬元超
友昵每書詩往返雅有新聲少子興字儁碩太傅參
軍幼子盛碩寧浦太守宓同時蜀郡高玩字伯珍少
受學於太常杜瓊術藝微妙博聞強識清尚簡素少
與宓齊名官位相比大同後察孝廉除曲陽令單車
之縣移檄縣綱紀不使遣迎以明三材徵爲太史令
送者亦不出界朝廷稱之方論大用會卒
杜軫字超宗蜀郡成都人也父雄字伯休安漢雒令

軫少師譙周發明高經於譙氏之門郡命爲功曹鄧
艾旣破蜀被徵鍾會進成都時太守南陽張府君不
肯出官軫進曰征西囚執鎮西在近必有所遣軍亂
之際交害無常宜避正殿府君即出任下舍會果遣
參軍牽弘爲太守數百騎擐甲馳馬入郡前驅問侯
所在云已出善之按時傳弘問軫所在軫正色對曰

弘復召爲功曹察孝廉除建寧令徙任山陽
新城池陽所在有治入爲尚書郎每升降趨翔廊閣
之下威容可觀中朝偉之遷捷爲太守惠愛在民還
爲州大中正軫旣才學兼該而器量侷儻武帝雅識

之方用內侍會卒時年五十八弟烈字仲武貞幹敏
識平坦和粹名譽侔軫察孝廉歷平康牛鞞南鄭安
陽令王國建首選爲郎中令遷衡陽太守兄軫喪自
上求去官以兄子幼弱軫喪飄飄欲扶將靈柩葬舊
墳武帝歎惜軫能用未盡而嘉烈弟意轉拜徙官捷
爲太守又轉湘東少弟長字幼論亦有當世局分舉
秀才茶陵新都令國王郎中令遷涪陵建寧太守兄
弟並興利里以爲美譚軫二子長子毗字長基少子
秀字彥穎珪璋琬琰世號二鳳毗舉秀才大將軍辟
掾太傅參軍平東長史尚書郎稍遷鎮南軍司益州

刺史王簿早卒

任熙字伯遠蜀郡成都人也漢大司農任昉之後世有德彥父元字秀明健爲太守執金吾熙治毛詩京易博通五經事親至孝居喪毀瘠爲州鄉所稱察孝廉除南鄭令以病去官復授南鄭不就轉梓潼令爲政清淨辭疾告歸勤農力穡屏宇致給循訓闔門內則可法博愛以謙恭接物開門待賓傾懷下士客無長幼必有供饕清談遊講不妄失言祇慎著聞太康中除越雋護軍非其雅好不往徵給事中熙以侍臣日月左右贊暉楊光不可苟私終以疾辭而蜀郡令每至官爲之修謁歲致羊酒卽家拜朱提太守固讓不之官好述作詩誄論難皆燦豔年六十九卒於家子蕃字憲祖察孝廉新都令西夷司馬涪陵太守蕃子迪字叔孤少與巴西龔壯俱知名而學業優之早歿熙同時健爲楊彭敬宗弟達訓宗各以德行稱同察孝廉彭比蘇令甘露降其縣達滇池令殊俗懷其

德

王長文字德儁

按本傳字德叔

廣漢郫人也父顓字伯元健

爲太守長文天姿聰警高暢敏識治五經博綜羣籍弱冠州三辟書佐丁時衰亂託疾歸家大同後郡功

曹察孝廉不就遂陽愚嘗着絳衣絳帽牽猪過市中
乞人與語偽不聞常騎牛周旋郡守至詣門修敬至
間走出請終不還刺史淮南胡罷辟從事祭酒卧在
治罷出板舉秀才長文陽發狂疾步擔走出門罷累
遣教請還終不顧還家養母獨講學著無名子十二
篇依則論語又著通經四篇亦有卦名擬易玄以為
春秋三傳傳經不同每生訟議乃據經撫傳著春秋
三傳十二篇又撰約禮記除煩舉要凡十篇皆行於
時長文才鑿清妙汎愛廣納放蕩闊達不以細宜廉
分為意亦不好臧否人物故時人愛而敬之以母欲

祿養咸寧中領蜀郡太守郾有孝子羅偶事親至孝
二親將亡時病不能食肉終身不食肉郡察孝廉長
文追為立表以旌之宰府辟三司及撫軍大將軍王
濬累辟不詣濬薨以故將軍吊祭元康初試守江
原令縣收得盜賊長文引見誘慰時適臘晦皆遣歸
家獄先有繫囚亦遣之謂曰教化不厚使汝等如此
長吏之過也蜡節慶賞宜就汝歸上下善相懽樂過
節來還當為思他理羣吏惶遽爭請不許尋有赦令
無不感恩所宥人輟不為惡曰不敢負王君將喪去
官民思其政大將軍梁王彤及諸府並辟長文曰吾

從其先命者遂應彤招爲從事中書郎諸王公卿慕其名咸與之交賈氏之誅從彤有功封關內侯再爲中書郎愍懷太子死於許下博士中書論虞祔之禮長文議虞祭宜還東宮以繼太子者爲王配食於潁川府君皆施行除洛陽令長文見彤曰王者不庶幾奏長文爲洛陽令彤笑荅曰卿乃不庶幾非王者也固辭不拜聞益州亂以通經定得老鶯綠枯桑之卦歎曰桑無葉蠶以卒也吾蜀人於是矣拜蜀郡太守舉疾卒時年六十四長文時爲蜀郡柳竺任興亦博學著聞俱爲州別駕竺在右職公亮蹇蹇刺史盛

怒欲殺人羣下請不聽竺乃懷縛徑入頓几上乃極

陳其刑理刺史從謝還縛皆早亡

壽良字文淑蜀郡成都人也父祖二世犍爲太守良少與犍爲張徵費緝並知名治春秋三傳貫通五經澡身貞素州從事散騎黃門侍郎大同郡王簿上計吏察孝廉不就州辟主簿治中別駕舉才行刺史皇甫晏貢之三司遂辟太宰除霸城令始平太守治政著稱從扶風轉秦國內史文立卒後温令李宓表武帝言二州人士零頽才彥凌遲無復厠豫綱紀後進慰寧遐外者良公朝英特二州之望宜見超子紹繼

立後帝徵爲黃門侍郎兼二州都給事中梁州刺史
遷散騎常侍大長秋卒塋洛北邙山徵字建興張翼
子也篤志好學官至廣漢太守緝字文平清檢有治
幹舉秀才歷城令涪陵太守遷譙內史

何攀字惠興蜀郡郫人漢司空汎鄉侯武弟潁川太
守顯後也父包字休揚察舉秀孝皆不行除瑯琊王
中尉不就攀兄弟五人皆知名攀少夙成竒姿卓逸
弱冠郡主簿上計吏州辟從事刺史皇甫晏稱攀王
佐才也以爲主簿泰始十年養母歸家晏爲牙門張
弘等所害攀操表徑詣洛訟釋事得清刺史王濬復
辟主簿別駕咸寧三年濬被詔罷屯田兵作船爲伐
吳計攀進曰今見佃兵但六百人計作船六七年才
可勝萬人後者未成前者已腐無以輔成國意宜輒
召四守休兵及諸武吏并萬餘人造作歲終可辦濬
疑輒召萬兵欲先上須報攀曰官家雖欲伐吳疑者
尚多率聞召萬兵必不見聽以佃兵作船船不時成
當輒召以速爲機設當見却功夫已成勢不得止濬
善之議欲入山裁船動數百里艱難攀曰今冢墓多
種松柏當什四市取以速爲機濬悅之任攀典舟船
器仗冬遣攀使洛攀曰聖人之功可成使人信之不

可必也夫高祖之大畧猶未察於韓信婁敬因蕭何
子房而後用之今進非常之功或莫之信羊公使君
同盟國家所重加曩日失策江陵思有夙駕宜與相
聞此一助也濬曰何但羊叔子亦宋元亮爲優君至
洛官家未有舉意便前至襄陽與羊宋論之攀旣至
洛拜表獻策因至荊州與刺史宋庭論宋未許乃見
羊祐累日共畫用兵之要攀曰若令循清海以趣京
口壽春揚州直指秣陵充豫踰海並據桑浦則武昌
以東會稽以西騷然駭矣荊州平南徑造夏口巴東
諸軍固守西陵益梁之衆身浮江東下封樂鄉要巴

丘則武陵零桂長沙湘東從風而靡矣但明信賞首
尾俱會旌旗耀天四面雲合乘勝席卷傳檄南極吳
會不盡平者未之有也羊祐大悅遂表請伐吳尋徵
濬大司農至晉壽詔以濬爲龍驤將軍除攀郎中參
濬軍事攀頻奉使詣洛時未婚司空裴公奇其才以
女妻之五年秋攀使在洛安東將軍王渾表孫皓欲
北上邊戍警戒朝議征伐必須六年攀上疏策皓必
不敢出宜因今戒嚴掩取甚易中書令張華命宿下
舍設諸難攀皆通之又濬性在忠烈受命必果宜重
其位號詔書遷濬平東將軍督二州事吳平封關內

侯濬入拜輔國攀爲司馬上論時務五篇除滎陽令
進廷尉評有盜開城門下關者法據大辟攀駁之曰
上關執信之主下關儲備之物設有開上關何以加
刑遂減死多所議讞遷散騎侍郎太傅楊駿謀逆請
衆官攀與侍中傅祇侍郎王愷等往惠帝從楚王瑋
殿中中郎孟觀策戒嚴誅駿駿外已匆匆攀與祇踰
墻得出侍天子天子以爲翊軍校尉領熊渠兵一戰
斬駿社稷用安封西城公邑萬戶策曰於戲在昔先
王光濟厥世罔不開國列土建德表功也故逆臣楊
駿謀危社稷構兵飛矢集于殿庭白刃交於宮闈攀
受命奮討凶逆速殄忠烈果毅朕甚嘉焉今以魏興
之西城爲攀封國錫茲玄社苴以白茅永爲晉藩輔
往欽哉敬乃有土惠康黎元無或以隳爾顯烈又賞
綰萬疋攀固辭受五千疋又賜拜弟逢平鄉侯兄子
夔關內侯遷宣關內史不就轉東羌校尉西虜寇邊
遣長史楊威討之違攀指受失利徵還領越騎校尉
武庫災百官皆赴火攀獨以兵衛宮復賞綰五百疋
領河南尹遷揚州刺史假節在官數年德教敷宣征
虜將軍石崇表東南有兵氣不宜用遠人徵拜犬司
農兼三州都自表以被疾錯忘不堪銓量人物讓都

職於任熙費緝不聽遷兗州刺史錫寶劒赤烏固辭不之官時帝室政衰多害忠直又諸王迭起好結黨徒攀園門治疾不與世務朝議欲以為公會慶時年五十七天子愍悼追贈司農印綬蓋曰桓公遺令敕世子務行恭儉引荀公曾諸葛德林為模範子嗣李毅字允剛廣漢郡人也祖父朝字偉南州別駕從事父旦字欽宗光祿郎中子毅少散達不治素檢年二十餘乃詣郡文學受學通詩禮訓誥為學主事太守弘農王濬臨學講試問酒姬豔曰學中有可成進幾百人豔對曰可有百人濬怒曰童冠八百而成者百人教少何為毅對曰如豔之言明府之教盛於孔氏不為少也濬奇之命為主簿濬常夢得三口刀人以禾益之手持不得以問郡丞與掾史莫能知毅對曰吉祥也三刀者州字而益之禾持不得禾傷失者秩字明府秩當至益州濬笑曰如卿言當相以為秀才張弘殺益州刺史皇甫晏誣表晏反毅白濬曰皇甫侯起自諸生位極方州反當何求且廣漢與成都密邇而統梁州者矜益州之領須防在今日也益州有禍乃此郡之憂加張弘小豎眾所不與宜時赴討濬欲先上後行毅曰大夫出疆苟利社稷專之

爲賢何況殺主賊急當不拘常宜濬從之發兵與牙
門滿泰等共討弘斬之詔書遷濬益州刺史毅復爲
州主簿別駕舉秀才及濬伐吳與何攀並爲參軍吳
平封關內侯除隴西護軍以疾去官徙繁令遷雲南
太守濬臨薨上表後武帝思濬勲問毅所在徙犍爲
使持節南夷校尉久之犍爲民毛詵李叡與朱提民
李猛共逐太守杜俊雍約以叛衆數萬毅討破之斬
詵猛首叡走依五茶夷亦叛晉朝復置寧州以毅爲
刺史加龍驤將軍封成都內侯夷遂大反破沒郡縣
攻圍州城中原亂而李雄寇蜀救援不至疾病薨於

窮城懷帝嘉其忠節追贈少府謚曰威侯毅性通博
居情雅厚賑卹寒貧篤於故舊人咸愛歸之但好談
論德量猶少從弟苾字叔平脩身砥礪名行數諫毅
宜自矜嚴毅笑應之曰吾小來不治名素終杖旄節
故可至九卿卿清儉履道卒不失成都令也時毅始
受南夷而苾歷城令果作成都遷犍爲太守位官不
及毅毅子釗世秉儒學有格望以父任爲謁者除壽
林侯相不就爲尚書外兵郎自表赴難至牂牁夷斷
道不得進經年以寧州城中無毅父疾病未知吉凶
不食毅惟茹草迄至奔喪官至朱提越雋太守西夷

校尉毅女秀適漢嘉太守新都王載有才智父亡後
州文武推領州三年二州當太清中位至方州節將
者壽良何攀及毅永嘉中巴張奕希祖爲荊州刺史
南蠻長水校尉蜀郡張峻紹茂爲監南中八部事西
夷校尉持節事

楊邠自岐之犍爲武陽人也少好學志古澡厲名行
州辟主簿別駕刺史王濬舉秀才安漢雒令國王中
尉以選爲尚書郎遷汝山太守值夷復讐失誅俗和
徙授巴東轉廣漢永嘉初進衡陽內史遇流民叛亂
攻沒長沙相東邠輒救助賊衆侵盛遂破郡城獲邠
欲以爲王邠不許賊晝夜執守邠飯其小怠夜急走
比覺已去遠收餘衆軍重安後汝州刺史荀眺共
圖進取會眺降賊邠孤軍固守賊攻圍之誓死不移
遂卒城中時年六十九帝爲邠東大將軍嘉其忠節
死義遣使弔贈策曰惟 於 年四月己未使持節
都督江陽諸軍事鎮東大將軍瑯琊王濬謹遺板命
前衡陽內史楊君忠肅貞固守正不移雖危逼節義
可嘉不幸殞卒孤城甚悼之今列上尚書贈君淮南
內史魂而有靈嘉茲 爲 嗚哀哉邠同郡楊稷文
曹泰始初爲交阯太守平九真鬱林日南四郡斬吳

令從王起義兵有功封關內侯遷魏郡太守加材官將軍以晉政衰觀中原不靜固辭去官拜新都內史時蜀亂民皆流在荆湘徙湘東太守疾病未拜卒年六十八騫性泛愛敦敬友宗族當官修理恕以撫物好咨問動必謙讓州鄉以爲儀範二州清官見述者先有宜都太守健爲唐定義葉隴西太守巴西馮企休翊而後騫云

常寬字泰恭騫族弟郢令勛弟子也父廓字敬業以明經著稱早亡闔門廣學治毛詩三禮春秋尚書尤耽意大易博涉史漢溫識多聞而謙虛清素與俗殊務郡命功曹及察孝廉不就州辟王簿別駕舉刺史羅尚秀才爲侍御史除繁令隨民安縣零陵以舉將喪去官湘州叛亂乃南入交州交州刺史陶咸表爲長史固辭不之職雖流離交城衣弊褊袍冠皮冠乘牛往來獨鳩合經籍研精著述依孟楊宗盧師矩著典言五篇撰蜀後志及後賢傳續陳壽耆舊作梁益篇元帝踐祚嘉其德行潔白拜武平太守民悅其政以榮貴非志在官三年去職尋梁碩作亂得免難卒於交州凡所著述詩賦論議二十餘篇子長生字彭祖亦有學行州主簿資中令治中從事早亡時蜀郡

太守巴西黃容亦好述作者家訓梁州巴紀姓族左
傳抄凡數十篇漢嘉太守蜀郡杜龔敬修亦著蜀後
志及志趙厥李特叛亂之事及喪紀禮式後生有取
焉

譙登字慎明巴西西克國人譙周孫也仲父熙察孝
廉本郡大中正沔陽令叔父同字彥紹少知名拒州
郡之命梁州刺史壽良與東羌校尉何攀責之三司
及大將軍幕府爲尚書郎除錫令亦有爲作傳者登
少以公亮義烈聞郡命功曹州辟主簿別駕從事領
陰平太守郡五官素大姓豪擅侵凌羌晉登誅之郡

中皆肅後以李特作亂本郡沒寇父爲李雄巴西太
守馬晚所殺乃東詣鎮南劉公請兵時中原亂守公
三年不能得兵表拜揚烈將軍梓潼內史使合義募
登凡募巴蜀流士得二千人鎮西將軍羅尚以退住
巴郡登從尚索益軍討雄不得乃往攻宕渠斬晚食
其肝巴西賊破復詣尚求軍尚叅佐多以必無利登
憤恚數凌折之又加責於尚尚但下之而已會羅叅
殺雄太尉李離舉梓潼來降登徑進涪城雄自攻登
爲登所破而尚將張羅進屯犍爲之合水文碩殺雄
太宰李國以巴西降羅遣軍掠廣漢破雄叔父驥虜

其妻子募人斫雄頭賊以向困而尚本參佐恨登之見矜侮不供其軍食益州刺史皮素至巴東敕平西送故遣將張順楊顯救登至墊江素遇害顯還雄知登乏食遣驥致攻兵窮士餓誓死不退衆亦餓死而無去者永嘉三年爲驥所生得與登致雄言辭慷慨涕泣獻歔無服降臣折情雄乃殺之囚其軍士皆以爲奴虜畀兵士而連陰雨百餘日雄中以登爲枉而所領無辜怒氣感天下赦出登軍士湮沒者初尚之在成都也與雄攻戰郫令捷爲張昕欽明每摧破雄雄衆戰之而救助不能并心爲雄所殺雄常言羅尚將均如張昕輩吾族早無遺矣時牙門左汜亦有戰功尚不能益其兵穀汜恚恨以母喪歸尚累召不往尚怒曰微左汜當不滅賊乎遂殺之雄聞汜死大小相賀登同郡縣李高亦有武幹平吳時與牙門將處前獲孫皓封縣侯官至金城廡門太守

侯馥字世明江陽人也察孝廉平西參軍

薨後巴

郡亂避地入牂牁寧州刺史王遜鎮平西將軍復取爲參軍遜議欲遷牂牁太守謝恕爲涪陵太守出屯巴郡之把口表馥爲江陽太守往江陽之泚源撫卹蠻獠克復江陵請通長江雄征東大將軍李恭已在

江陽馥招降夷獠修繕舟艦爲進取計預白遜請軍
移恕俱出涪陵不能自前恭舉衆攻馥衆寡不敵爲
恭所破獲生虜馥送雄雄下廷尉責曰事君有死無
二其次破家與國今縱不死又無益國灰沒其分守
心而已無他願望雄必欲屈之使馥同郡人張迎曉
喻之馥怒罵迎曰吾等國亡不能存大難不能死低
眉海內何面目相見也且王寧州治亂才也以吾有
桑梓之恥故遠上尚書遣吾討賊受命之日實忘寢
食但裁船未辦請軍未至牽搥不及爲他所先當滅
身隕碎以謝不及冀上不負日月下不愧王侯吾豈
苟生如卿兒女之人乎迎還白雄雄義而赦之時雄
衆寇所獲健爲太守建寧魏紀漢國太守梓潼文琰
巴郡太守巴西黃龕涪陵太守巴西趙炳永昌謝俊
牂牁文猛皆區區稽顙無如馥者數年卒

譔曰文王多士才不同用孔門七十科行相揆百行
殊塗貴於一致若斯諸子或挺珪璋之質或苞瑚璉
之器或耽儒墨之業或韜王佐之畧潛則泥蟠躍則
龍飛揮翮揚芳流光遐紀實西土之珍彥聖晉之多
士也徒以生處限外服膺日淺負荷榮顯未克其能
假使植幹華宇振條神區德行自有長短然三趙兩

李張何之軌其有及之者乎譙登侯馥忠規奮烈美
志不遂哀哉

五公

司空何武

司空趙戒

太尉趙謙

司徒趙溫

司空張皓

華陽國志卷第十一

華陽國志卷第十二

晉常璩著

明吳琯校

序志

巴蜀厥初開國載在書籍或因文緯或見史記久遠
隱沒寔多踈畧及周之世侯伯擅威雖與牧野之師
希同盟要之會而秦資其富用兼天下漢祖階之奄
有四海梁益及晉分益爲寧司馬相如嚴君平楊子
雲陽成子玄鄭伯邑尹彭城譙常侍任給事等各集
傳記以作本紀畧舉其隅其次聖稱賢仁人志士言

為世範行為表則者名挂史錄而陳君承祚別為耆
 舊始漢及魏煥乎可觀然三州土地不復悉載地理
 志頗言山水歷代轉久郡縣分建地名改易於以居
 然辨物知方猶未詳備于時漢一本無晉方隆官司
 星列提封圖簿歲集司空故人君學士蔭高堂翳帷
 幙足綜物土不必待本紀矣曩遺阨運函夏滔堙李
 氏據蜀兵連戰結三州傾墜生民殲盡府庭化為狐
 狸之窟城郭蔚為熊羆之窟宅遊雉鹿田棲虎豹平
 原鮮麥黍之苗千里蔑雞狗之響丘城蕪邑莫有名
 者嗟乎三州近為荒裔桑梓之域曠為長野反側惟
 之心若焚灼懼益遐棄城隍靡聞迺考諸舊紀先宿
 所傳并南裔志驗以漢書取其近是及自所聞以著
 斯篇又畧言公孫述蜀書咸熙以來喪亂之事約取
 耆舊士女英彥又肇自開關終乎永和三年凡十篇
 號曰華陽國志夫書契有五善達道義章法戒通古
 今表功勳而後旌賢能恨據才短少無遠及不早援
 翰執素廣訪博咨流離困瘵方資腐帛於顛墻之下
 求餘光於灰塵之中刪滅者多故有所闕猶愈於遺
 忘焉

蜀紀言三皇乘祗車出谷口秦宓曰今之斜谷也及

武王代紂蜀亦從行史記周貞王之十六年秦厲公
城南鄭此谷道之通久矣而說者以爲蜀王因石牛
始通不然也本紀旣以炳明而世俗間橫有爲蜀傳
者言蜀王蠶叢之間周迴三千歲又云荆人鼈靈死
屍化西土後爲蜀帝周長弘之血變成碧珠杜宇之
魄化爲子鵠又言蜀稚髻左衽未知書文翁始知書
學按蜀紀帝居房心決事參伐則蜀分野言蜀在帝
議政之方帝不議政則王氣流於西故周失紀綱而
蜀先王七國皆王蜀又稱帝此則蠶叢自王杜宇自
帝皆周之叔世安得三千歲且太素資始有生必死

死終物也自古以來未聞死者能更生當世或遇有
之則爲怪異子所不言況能爲帝王乎碧珠出不一
處地之相距動數千里一人之血豈能致此子鵠鳥

今云是雋或曰雋周

今按說文云蜀王望帝雋其相
妻懸之去爲子鵠鳥故蜀人間

子鵠鳥皆起云望帝雋戶主物所言與蜀志
所述相似爾雅亦云雋周子鵠鳥也出蜀中

四海有

之何必在蜀昔唐帝萬國時雍虞舜光宅八表大禹
功濟九州后稷封殖天下井田之制庠序之教由來
遠矣孔子曰述而不作信而好古竊比於我老彭則
彭祖本生蜀爲殷太史夫人爲國史作爲聖則僊自
上世見稱在昔及周之末服事于秦首爲郡縣雖濱

戎夷亦有冠冕故蜀紀曰大人之鄉方大之國也至
于漢興反當荒服而無書學乎漢書曰郡國之有文
學因文翁始若然翁以前齊魯當無文學哉漢末時
漢中祝元靈性滑稽用州牧劉焉談調之末與蜀士
燕胥聊著翰墨當時以爲極歡後人有以爲惑恐此
之類必起於元靈之由也惟智者辨其不然幸也綜
其理數或以爲西土喻固襟帶易守世亂先違道治
後服若吳楚然故逋逃必萃奸雄闕覲蓋帝王者統
天理物必居土中德膺命運非可資能恃險以干常
亂紀雖饕竊名號終於絕宗矜視何者天命不可以
詐詭而邀神器不可以僥倖而取也是以四嶽三塗
陽城太室九州之險而不一姓冀之北土馬之所產
古無興國夫恃險憑危不階曆數而能傳國垂世所
未有也故公孫劉氏以敗於前而諸李踵之覆亡於
後天人之際存亡之術可以爲永鑒也于運犯曆破
家喪國可以爲京觀也今齊之國志貫之一揆同見
不臣所以防狂狡杜奸萌以崇春秋敗絕之道也而
顯賢能著治亂亦以爲獎勸也其序曰

先王經畧萬國剖分厥甸巴梁式象縣辰九俊述職
賦政以均佐周斃紂相漢亡秦寔繁其民世載其俊

述巴志第一

維天有漢鑒亦有光實司羣望表我華陽炎劉是應
洪祚攸長述漢中志第二

井絡啓耀文昌契符茫茫禹蹟盡爲九州功冒普天
率土以休光靈遐照慶祚爽流邦家濟濟世德球球
述蜀志第三

蠶爾南域在彼要荒漢武德振蠻貊是攘開州列郡
幽裔來王柔遠能邇實須才良甄德表失以明紀綱
述南中志第四

赤德中微巨猾于篡白虜乘釁致民塗炭爰迄靈獻
皇極不建牧后失圖英雄迭進覆車齊軌蒙此艱難
述公孫劉二牧志第五

政去王室權流二桀瓜分天壤宰割民物舍彼信順
任此智計大道旣隱詭詐競設並以豪特力爭當世
居正慮明名號絕替身兼萬乘籍同列國述劉先王
志第六

乾坤渾始樹君立王天工人代萬邦是望明不二日
地不二皇苟非其器窮高必亢濛濛後王弗慮弗城
負乘致寇世業以喪述劉後王志第七

陽升三九品物始亨帝絃失振任非其良趙倡禍階

亂是用長羅州播蕩朱旌莫亢皮張不造戎醜攸行
哀哀元黎碩瞻靡望述大同志第八

素精南飄天維弛綱薨薨特流肆其豺狼蕩雄纂承
殲我益梁牧守顛摧黔首辛嘗三州毀曠悠然以荒
絡結王綱民亦流亡述李特雄期壽勢志第九

華嶽降精江漢吐靈濟濟多士命世克生德爲世雋
幹爲時貞畧舉七女表諸賢明世濟其美不隕其名
述先賢七女摠讚論第十

皇皇大晉下土是覆化澹教洽誕茲彥茂峨峨俊又
亶亶英秀如嶽之崇如蘭之臭經德秉哲綽然有裕

述後賢志第十一

博考行故摠厥舊聞班序州部區別山川憲章成敗
旌昭仁賢抑絀虛妄糾正謬言顯善懲惡以杜未然

述序志第十二

譔曰駟牡騤騤萬馬龍飛陶然斯猶阜會景畿磨獲
西守鹿從東麋郇伯勞之旬不接辰嘗茲珍嘉甘心
庶幾中爲令德一行可師瓊璋倣儻貫韜光輝據中
體正平揖宣尼導以禮樂教化齊木訥剛毅有威
有懷鏘鏘官縣磬筦諧諧金奏石拊降福孔皆摠括
道檢摠覽幽微選賢與能人遠乎哉

益梁寧三州先漢以來士女

高尚逸民嚴遵字君平

成都人

林間字公孺

成都人

德行治中從事李弘字仲元

成都人

給事黃門侍郎楊雄字子雲

成都人

文學神童楊烏

成都人

侍中揚州刺史張寬字叔文

成都人 始受文翁遺業 授以教授者

中郎將司馬相如字長卿

成都人

諫議大夫王褒字子淵

成都人

尚書郎楊壯

成都人 見楊子方言

益州府志卷之三

六

美秀中郎將何霸字翁君人

執政大中司空汎鄉侯何武字君公霸弟以忠正為三公王莽欲篡

穎川太守何顯武子兄弟五人皆在漢書武子

黃門侍郎鄧通武子兄弟五人皆在漢書武子

卓王孫武子兄弟五人皆在漢書武子

政事左衛護軍陳立字少遷蜀人壁州柯巴郡大

節士太中大夫章明字公孺繁

尚書郎侯剛字宣孟新豐

尚書郎王嘉字公卿姑蘇

美陽令王皓字子離美陽

右二十人在前漢

知士博士羅衍字伯紀蜀人

德政益州太守王阜字世公蜀人

長沙太守任循字伯度蜀人

父之蜀人

公亮大司農司隸校尉任昉字文始循子

徐州刺史任愷字文悌昉弟

文學侍中漢五更張霸字伯饒謚曰文父成都

文學侍中漢五更張霸字伯饒謚曰文父成都

文學侍中漢五更張霸字伯饒謚曰文父成都

文學侍中漢五更張霸字伯饒謚曰文父成都

校書郎楊終字子山人

聘士張楷字公超文父子無傳

張光超

尚書張陵字處冲

義士趙定

保貴太尉司徒肅空持定侯趙戒字志伯

文學國師太常建永字伯

忠亮太尉司徒肅侯趙戒字志伯

道德司徒司空趙溫字子多

義烈侍中長水校尉常洽字茂宅京人見

道德侍御史常詡字孟元

述作謁者僕射何英字叔俊

經治犍為屬國何汶字景田

高士楊由字哀侯

篤愛高士侯祚字升伯

博士楊班字仲桓

公府辟士羅衡字仲伯

至孝孝廉禽堅字孟由

推賢美陽令柳宗字伯騫

求次方

忠勲輔漢將軍張喬字君嗣成都人

玄寂太常杜瓊字伯瑜成都人

侍中常竺字代文在者馬傳

安南將軍張表字伯達成都人伯父肅廣漢太守兄

傳

永昌太守王伉成都人

右八人在劉氏世

五更張霸夫人司馬敬司人

公乘會婦張氏廣都人

健為楊鳳珪妻陳助人

廣漢便敬賓婦常元常江原人常

殷氏婦常靡常中山女

趙侯夫人常紀常江原人常

景竒妻羅貞郫人羅

趙憲妻何玳郫人

朱叔賢妻張昭儀繁人

廣柔長姚超二女姚妣饒郫人

廣漢王遵妻張叔紀郫人

右十一人烈女

右蜀郡士女七十九人六十八人

明畧漢沔侯范目

閩中人以下士女雖聞見巴志中然俱無傳

文學聘士洛下宏字長公

閩中人

玄始侍御史任文孫

閩中人

文學司空掾任文公

文孫

先生肯君安

見春秋傳

京兆尹徐誦字子產

閩中人

忠正侍中譙隆字伯司

閩中人

高清太中大夫譙玄字君黃

閩中人

潔白尚書郎譙瑛

玄子以男少陵孝明帝

公車令趙瑒字孫明

閩中人

公府掾趙毅字仲都

子

公車臧太伯

宿渠人見瑒傳

雋才涼州刺史趙宏字溫柔

閩中人

右十三人在前漢

政事揚州刺史嚴遵字王思

閩中人

徐州牧嚴羽字子翼

王思子

長安令王偉卿

王思文見王思傳

政事大司農玄賀字文和

宿渠人

將畧大鴻臚龐雄字宣孟

宿渠人

政事幽州刺史馮煥

宿渠人

明畧使持節車騎將軍馮緄字鴻卿煥子居渠人

降虜都尉馮元字公信緄弟

尚書郎馮遵字文衡統

政事司隸校尉陳禪字紀山安漢人

漢中太守陳澄

別駕從事陳實字盛先安漢人

思防治中從事楊仁字文舉中

志士荊州刺史龔調字叔得

忠貞魏郡太守趙晏字平

籌蓋益州太守李顯字德中益州人

汝南太守謁煥汝南人

度遼將軍桂陽太守然温巴人

美化越雋太守張翕字叔陽安漢人

越雋太守張璠安漢人

至孝上蔡令趙邵字泰伯中

孝子嚴永

名儒陳髦

隱士黃錯右三人巴郡太守王堂所進失其官位見堂傳

巴郡太守龔陽龔江人

茂才孟彪江州人在並上文未所薦

日南太守黎景人墊江人

茂才王澹閬中人見文未傳

文學掾龔策墊江人

桂陽太守李温南樂人

戶曹掾趙芬南樂人

上庸太守陳弘南樂人

忠義宕渠主簿曲庚宕渠人

宕渠主簿馮湛

烈士郝伯都宕渠人

右三十五人在後漢司隸校尉程鳥等次其事

義烈江陽太守程畿字季默中

程祁字公弘中

楊汰字季儒巴郡人

韓儼巴西人

黎韜巴西人三人見楊文然傳

壯烈將軍嚴顏臨江人見張飛傳

玄真徵士周舒字叔布蜀中人

文學儒林校尉周羣字仲直舒

博士周巨羣子

雅重車騎將軍育陽景侯黃權字公衡閬中人在魏儀同三司

尚書郎黃崇權子

勇壯折衝將軍西陵太守甘寧字興霸臨江人

政事鎮南大將軍彭鄉亭侯馬忠字德信蜀中人

將畧鎮北大將軍安漢侯王平字子均涪人

果壯左將軍宕渠侯句扶字孝興涪人

將畧盪寇將軍關內侯張嶷字伯岐涪人

尚書僕射姚伉字子緒蜀中人

別駕從事馬勳字盛衡蜀中人

尚書馬參字承伯蜀中人

越嵩太守龔祿字德緒安漢人又諱健

鎮軍將軍龔曠字德光弟

徵士譙崐字榮始西充國人

淵通散騎常侍城陽亭侯譙周字允南子在大劉氏

右二十三人在劉氏三國之世

馬妙祁妻義 趙雲君妻華

王元憤妻姬巴上皆 趙瓚妻姬

童女趙英瓚女 趙萬妻娥

耿秉妾行人安漢 鮮尼母妾安漢

右八人烈女 右巴郡凡士女七十九人七十一人

道德三老楊統字仲通新都人曾祖仲謙孫令父春卿為公孫述將

光祿大夫楊博字仲達統長子無傳

文學侍中楊序字仲桓謚曰文父博弟

高士寇懽字文儀綿竹人序弟子見序傳

昭約字節宰人也序弟子見序傳

術藝使持節交州牧楊宣字君緯什邡人

學士嚴象廣漢人宣弟

大儒趙翹廣漢人宣弟

烏丸校尉郭堅雜人無傳

光祿大夫侍中衛尉鐔顯字子誦郫人

廬江太守蔡弓字子騫郫人

善績司隸校尉郭賀字喬卿郫人

永昌太守鄭純字長伯郫人

文學高士王祐字平仲郫人

文才樂安相李尤字伯仁郫人

尚書郎李克郫人

文才東觀郎李勝字茂通郫人見九傳

公亮將作大匠翟融子超郫人

聘士王稚字叔起謚曰憲父堂少子

王博堂長子失官位無傳

王遵

博子亦失官位無傳

隱士馮信字季誠

郡人

善績蜀郡太守王商字文表

子遵

隱士夫子段翳字元章

新都人

明廉侍御史洛陽令王渙字稚子

郡人

司隸校尉王堂字敬伯

大

亢烈辟士段恭字節英

人

越雋太守馬顯字叔宰

人

武威太守南陽折侯張江

人

鬱林太守折國

高士折像字伯式

民

治中祭酒朱倉字雲卿

竹郁人

政事牂羊太守劉寵字世信

人

孝子江陽符長姜詩字士遊

人

陰德郿令王恂字少林

新都人

交州牧羊甚

無傳

推讓野王令羊暮字仲魚

甚

文學侍中董扶字茂安

厚弟子

聘士任安字定祖

厚弟子

高讓義士杜真字孟宗

人

精誠五官諒輔字漢儒

新都人

義士楊寬字叔仲

新都人父斌兄混皆有證明君傳失其官位

義士張鉗字子安

廣漢人

烈士賈栩字元集

什邡人

節士寧叔字茂泰

鹿漢人

忠義綿竹王簿韓揆字伯彥

壯童左喬雲

綿竹人

孝廉汝敦

新都人

周幹

廣漢人

彭思

廣漢人

古朴

廣漢人本三人學文才見蜀志及王商傳

方術太醫丞郭玉字通直

右五十二人馳名漢世

別駕從事李朝字永南

郫人

丞相西曹掾李邵字偉南

朝弟

文才大司農秦宓字子敕

涪竹人

益州太守王士字義疆

郫人王從弟

別駕從事王甫字國山

文表弟也

優游特進太常關內侯鐔承字公文

郫人

才雋江陽太守彭羨字永年

廣漢人

忠謀從事鄭度 蘇竹人見

忠烈從事王累 新都人見

右九人在劉氏世及二牧時

聘士任安母姚 編竹人

姜詩妻龐行 雜人

姜嬪字義舊 雜人

廖伯妻殷紀配 雜人

便敬妻王和 雜人

李珥字進娥 雜人

王輔妻彭非 雜人

李平字正流 雜人

表稚妻相烏 雜人

王上妻袁福 雜人

汝敦妻 雜人

右十一人烈女

右廣漢郡凡士女七十二人 六十一人女

知術光祿大夫關内侯王延世字長叔 資中人

揚州刺史楊莽字翁君 武陽人見

忠壯復漢將軍朱遵字孝仲 武陽人

隱知徵士任永字君業 武陽人

隱遜合浦太守費貽字奉君

南安人

精密上黨太守趙松字君喬

武陽人

文學城門校尉董鈞字文伯

資中人

秀穎司隸校尉楊渙字孟文

武陽人見捷為者舊傳

漢中太守楊文方

文方穎伯冀州刺史仲

政事司隸校尉楊準字伯孫

行事無傳

清秀大司空張皓字叔明

皓字太守

正直光祿大夫廣陵太守張綱字文紀

皓子

郎中張植

尚書張續

豫州牧張方字公始

方

正直司隸校尉趙旂字子鸞

資中人

別駕從事王元

武陽人刺史張喬見其舊傳無傳

義士公車令杜撫字叔和

資中人

新都令趙敦字建侯

武陽人

孝士尚書郎隗相字叔通

武陽人

呂孟

武陽人

吳順字叔和

武陽人

學士韓子方

武陽人張貞師無傳

謝褒

南安人見張鉗傳

右二十四人在漢世

政事蜀郡太守關內侯楊洪字季休武陽人

直率諫議大夫費詩字公舉南安人

忠正車騎將軍都亭侯張翼字伯恭蜀後子徵 見壽良傳

文學五官中郎將伍梁字德山南安人

文才射聲校尉楊義字文然

右五人在劉氏世

漢中太守楊文方妻陽姬

相登妻周度南安人

曹敬字敬姬南安人

程貞玦字瓊玉牛鞞人 貞 中張惟妻

尹仲讓妻韓姜人 熹道

儀成妻謝姬南安人

趙媛姜資中人 趙 熹道妻

張貞妻黃帛人 熹道

楊進武陽人 黃 漢王博妻

右九人烈女

右犍為郡士女凡三十八人二十九人 十九人女

忠正城陽中尉鄧先成固人 景帝時

楊王孫

致遠衛尉博望侯張騫成固人武帝時

爽朗給事中張猛鶯孫元帝時

高尚逸民鄭子真梁中人成帝時

聘士衛衡字伯梁南郡人熒子

大儒李頡無傳

文學司徒李邵字孟節

執正太尉李固字子堅

雅望京兆尹李參字德公少

奉車都尉李歷字季子

善績司隸校尉李法字

犍為太守趙宣字子雅有傳

德望廣漢太守趙瑤字元珪

温雅尚書趙琰字稚珪有傳

義壯弘農太守陳綱字仲卿成固人

義烈從事陳調字元化

知思巴郡太守陳雅字伯臺成固人

南郡太守程基字稚業高郵人無傳

大鴻臚劉巨公南郡人見烈女傳

廣漢屬國張泰字伯疆南郡人無傳

政事度遼將軍張亮則字元修秦從弟

愷悌綿竹令閻憲字孟度

成固人

隱士樊志張

南齊人見征南將軍段穎傳

籌畫計曹史程苞字元道

南齊人

文才段萌長祝龜字元靈

南齊人

義烈郡主簿段崇字禮高

南齊人

義烈功曹程信字伯義

南齊人

嚴等

李容

陳巳

王宗

曹廉

勾矩

劉旌

原展

九人太守鄭歷吏見段崇程信傳

從事燕邠字元侯

南鄭人

主簿趙嵩字伯高

南鄭人

右三十九人在後漢

陳術字申伯

歷二郡太守見蜀書漢益部耆舊傳者

右一人在劉氏世

李穆姜 安與令程祇妻 李法姑也子基

劉泰瑛 揚相妻

杜泰姬 南鄭人捷為太守趙宣妻

楊禮珪 成固楊元珍女陳密妻

李文姬 太尉閻女趙瑛妻

陳順謙 鄧令曹寧妻陳伯臺從女

陳惠謙 陳順謙妹

張禮脩

韓樹南

右九人烈女

右漢中郡士女凡四十九人

忠義鎮遠將軍義侯文齊字子奇

王莽公孫述 光武嘉之

北海太守文忱 齊子

節士李業字巨遊 梓潼人

遂久令李翬 業

益州太守景毅字文堅 梓潼人

政事有道景鸞字漢伯 梓潼人

文學孝廉楊克字盛國 梓潼人

壯烈濟陰相寇祺字宰朝 梓潼人

壯烈童人李餘

人

義士功曹張壽字伯儻

人

義士王晏字叔博

人

方士李助字翁君

人

右十二人在漢世

尚玄諫議大夫杜微字國輔

文學李仁字德賢

太子中庶子李譔字欽仲

太子家令尹默字思潛

丞相參軍文恭字仲實

果銳前監軍將軍司馬李福字孫德

人見諸書故事蜀書

右六人在劉氏世

文極字季姜

梓潼人將作大匠王堂夫人

巴郡虞顯妻杜慈

涪杜季女

郭孟妻楊敬

女涪楊

右烈女三人

右梓潼郡士女二十一人

十八人土三人女

脩慎少府太常關內侯王謀字元漢

漢嘉人

雲南太守張休

右二人漢嘉人士在劉氏世

文學荊州刺史尹珍字道真明敏人

巴郡太守傅寶字紀圖平夷人

忠義冠軍將軍寧州刺史謝恕字茂理明敏人

右三人牂牁人

忠義大將軍朝侯祭酒錫光字長沖

右一人西城人

忠義雲南太守陽遷亭侯呂凱字季平不韋人

右一人永昌人

義正安漢將軍建寧太守李恢字德昂

領軍麴習

御史中丞孟獲

右三人建寧人

輔漢將軍孟琰字休明

右一人朱提人

先泥和女絡符人

右一人烈女江陽人

大凡三州十三郡自漢興至三國之終士女載傳記

者三百五十人二百九十八人
士五十二人女

公七人

大將軍二十二

侯二十人

卿佐十四人

侍中七人

尚書五人

司隸校尉六人

州刺史十三人

郡守四十八人

國師三人

光祿大夫四人

尚書郎十二人

中書郎將御史六人

公車令諫議太中十一人

公府辟士八人

高士一人

聘士七人

徵士四人

節士四人

烈女五十二人

益梁寧三州三國兩晉以來人士目錄

添立目錄

明畧大司農西城公何攀字惠興

郡人

清秀才長秋壽良字文淑

成都人

果烈西河太守柳隱字休然

成都人

梁益二州都督杜禎

成都人

都督度支巴東太守柳伸字雅厚

成都人

德行江陽太守何隨字季業

成都人

令德捷為太守杜軫字超宗

成都人

健為太守杜烈字仲武

成都人

建寧太守杜良字幼倫

益州刺史杜毗字長基

德行給事中心熙字伯遠

成都人

涪陵太守任蕃字憲祖

江原人

義正郫令常勗字修業

江原人

州都常忌字茂通

成都人

令才太史令高玩字伯珍

江原人

閔才湘東太守常騫字季慎

江原人

述作武平太守常寬字泰恭

江原人

使持節西夷校尉張岐字紹茂

成都人

征西將軍西夷校尉益州刺史王異字彥明

成都人

勇畧雍州刺史南中郎將重安開國侯李陽字文叔

成都人

征虜將軍廣漢梓潼太守楊謙字令志成都人

右二十二人蜀郡人在晉世

強濟少府成都威侯李毅字允綱郡人

西夷校尉李釗字世康

仁讓漢嘉太守司馬勝之字興先郡人

德義梓潼太守王化字伯遠郡人

巴東太守王振字仲遠

作唐令王岱字季遠

述作蜀郡太守王崇字幼遠

素隱中書郎王長文字德儁郡人

建寧太守耿容字宗仲廣漢人

右九人廣漢人在晉世

漢中太守李宓字令伯成陽人

汶上太守李賜字宗碩

太傅參軍李興字儁碩

廣漢太守張徵字建興郡人

譙國內史費緝字文平南安人二子

執義衡陽太守楊邠字岐之武陽人

清正尚書費立字建熙南安人

右七人捷為人士在晉世

衛尉文立字廣休

臨江人

武陽太守楊守

臨江人

牂牁太守毛楚

人

右三人巴郡人在晉世

述作太守中庶子陳壽字承祚

安漢人

驃騎府掾陳蒞字叔度

壽兄

上廉令陳符字長任

人

建寧太守陳階字達之

人

正直漢中太守閻續伯

人

卓畧長水校尉荊州刺史張奕字希祖

南人

義烈楊烈將軍梓潼內史譙登字順明

人

令德錫令譙同字彥紹

同字見

右八人巴西人士在晉世

清重長水校尉呂淑字偉德

右一人漢中人

廣漢太守李驥字叔龍

人

右一人梓潼人

忠義江陽太守侯馥字世明

右一人江陽人

三州後賢五十一人并前賢二百九十一人

撰曰凡此人士或見漢書或載者舊或見郡紀或在
三國書并取其秀異表之斯篇其洪伐張顯並附載
者齊之其但見名目而不詳其行故或有以傳無珍
善闕之以副直文爲實錄矣

附江原常氏士女目錄

張佳胤輯錄

侍中長水校尉常洽

字茂

侍御史常翊

南廣太守常竺

字文

閬中令常偉

字公然

廣都令常良

郫令常勗

字修業

河內令常忌

字勗弟

常仲山

湘東太守常騫字季慎

戶曹掾常敞

中郎常美

都護常俊

都護常深

武平太守常寬字泰恭

治中從事常長生字長生

散騎常侍常璩字璩

右士十六人

便敬賓婦常元常吳女

殷仲孫常靡常仲山女

趙侯夫人常紀常

右女三人

佳胤曰江原常氏代有明德故大姓也道將立志僅書其半豈以私親自嫌哉夫岷瀆委靈哲又作則儻資國器寸璧是尊今考出土女共十九人自立錄曰又見道將承源家學修辭有經斯龍門世業良史稱材間有行實詳畧不侔然英名遺烈垂在竹素庶幾尚友遐心著龜孔邇者矣



華陽國志卷第十二終

